

增訂本草備要

增補本草備要敘

上海圖書館藏

言之可貴而足以垂後
者必性命之文也其次
則經濟之文也余於聖

學旣無所窺又六經四
子之書燦如星日卽漢
疏宋註且有遺譏况余
愚瞽凡民安敢以管蠡

仰測高深也哉性命之
文吾無及矣若經濟之
文必須見諸實事方能
載諸簡編余少困棘圍

壯謝制舉長甘蓬蘽終
鮮通榮經濟之文吾無
望焉耳至于詞章詩賦
月露風雲縱極精工無

裨實用楊子所謂雕虫
篆刻壯夫不爲不其然
歟竊謂醫藥之書雖無
當于文章鉅麗之觀然

能起人沉疴益人神智
弱可令壯鬱可使寬無
關道脉而能有助剛大
之形軀不係政刑而實

有裨生成之大德言不
墮綺語之障用有當施
濟之仁羣居飽食之餘
或可以愧小慧而勝猶

賢也乎是用寄意此中
思以壽世初則謂醫學
與堪輿不同堪輿當有
秘奧天機不欲輕泄若

醫集所以濟生救疾自
應無微不聞無隱不彰
恣意極言不遺餘蘊及
泛覽諸書惟靈素難經

仲景叔和奧衍弘深不
易究殫自唐宋而下名
家百氏方書非不燦陳
而義蘊殊少詮釋如本

草第言治某病某病而
不明所以主治之由醫
方第云用某藥某藥而
不明所以當用之理千

書一律開卷茫如卽間
有辨析病源訓解藥性
者率說焉而不詳語焉
而不暢醫理雖云深造

文字多欠通明難以豁
觀者之心目良用憮然
不揣固陋爰採諸家之
長輯爲本草備要醫方

集解二編理法全宗古
人體裁更爲剗制本草
則字箋句釋倣傳註之
詳明醫療則詮症釋方

兼百家之論辨書分兩
帙用實相資要令不知
醫之人讀之瞭然庶裨
實用兩書甫出幸海內

名賢頗垂鑒許今本草
原刻字已漫滅特再加
釐訂用酬世好抑世尚
有議余藥味之簡者余

惟歌賦湯液藥僅二百
四十種拙集廣至四百
種不爲少矣如食物僅
可充口腹僻藥非治所

常需者安能盡錄蓋旣
取其備又欲其要應如
是止也茲因重梓更增
備而可用者約六十品

聊以厭言者之口仍不
碍攜者之艱苟小道之
可觀倘不至致遠之恐
泥也乎

康熙甲戌歲陽月休寧
八十老人詡菴汪昂書
于延禧堂

增訂本草備要凡例

一註本草者。當先註病症。不然病之未明。藥於何有。從前作者。罕明斯義。第云某藥入某經。治某病而已。淺術視之。蓋茫如也。唯李氏綱目。裒集諸家。附著論說。間及病源。經疏。因之釋藥。而兼釋病。補前人之未備。作後學之指南。茲集祖述二書。更加增訂。藥性病情。互相闡發。以便資用。若每處皆釋。則重複煩瑣。反生厭瀆。故前後聞見。或因藥論辨。讀者彙觀而統會之可也。

一藥品主治。諸家析言者少。統言者多。如治痰之藥。有治燥。痰者。有治濕。痰者。諸書第以除痰槩之。頭痛之藥。有治內傷。頭痛者。有治外感。頭痛者。諸書唯言治頭痛而已。此皆相反之症。未可混施。舉此二端。其餘可以類推矣。又每藥之下。止言某病宜用。而不言某病忌用。均屬闕略。茲集並加詳註。庶無貽誤。

一每藥先辨其氣味。形色。次著其所入經絡。乃爲發明其功用。而以主治之症。具列于後。其所以主治之理。卽在

前功用之中不能遽款細註讀者詳之

一徐之才曰藥有宜

上升下行曰宜

通補瀉滑燥濕濕即潤也輕重

十種是藥之大體而本經不言後人未述凡用藥者審

而詳之則靡所遺失矣今為分闡以冠于諸藥之首

此

劑也陶弘景加寒熱二劑茲不具述然本集燥劑即陶氏之熱劑通劑乃徐氏之燥劑而寒劑則多寓于瀉劑也

一藥品主治已註明入某藏某府者則不更言入某經絡以重複無用也

一藥品稍逝遐僻者必詳其地道形色如習知習見之藥則不加詳註

一陰陽升降浮沉已詳于藥性總義中故每品之下不加重註

一主治要義及諸家名論用○病症用∟藥名湯頭用┐
一頂上十劑用○

一藥內間附古方便人施用如方藥俱全者則于方名加
一一如有方無藥者則方名不用一

一藥目次第。每藥稍從其類。以便查閱。

一先哲名言。有言以人重者。有人以言重者。須當仍其姓名。庶乎後學。知所稟承。或是或非。有可裁斷矣。奈何醫集之中。率掠古人之言。混入已作。使讀者蒼黃莫辨。涇渭難分。習俗移人。賢者不免。甚有合數人之言。砌掇成篇。首尾欠貫。詞意多乖。以故醫學每鮮佳編。良深慨息。本集採用諸家。悉存原名。使可考據。間有刪節數行數句者。以限于尺幅也。有增改數句數字者。務暢其文義。

也。亦有錄其言而未悉其名氏者。以藏書既寡。目力不充。難于盡考也。或時附入鄙見。必加昂按二字。以聽時賢之論定。其間旁搜遠討。義圖貫通。取要刪繁。詞歸雅飭。庶幾豁觀者之心目云耳。

一是書篇章雖約。多有補綱目經疏之所未備者。故曰備也。

一藥有氣味。形色。經絡。主治。功用。禁忌。數端。藥性歌賦。雖便記誦。然限于字句。又須用韻。是以不能詳括。茲集文

無一定藥小者語簡藥大者詞繁然皆各爲杼軸煅煉
成章使人可以誦讀

若以本文另
添尤便誦習

一本草一書讀之舉欲睡欲臥以每藥之下所註者不過
藏府經絡甘酸苦澇寒熱溫平升降浮沉病候主治而
已未嘗闡發其理使讀之者有義味可咀嚼也卽如證
類諸本採集頗廣又以衆說繁蕪觀者罔所折衷也是
編主治之理務令詳明取用之宜期于確切言暢意晰
字少義多作者頗費匠心讀者幸毋忽視

一。是書之作。不。尚。爲。醫。林。而。設。蓋。以。疾。疢。人。所。時。有。脫。或。處。僻。小。之。區。遇。庸。劣。之。手。脉。候。欠。審。用。藥。乖。方。而。無。簡。便。方。書。與。之。較。證。鮮。有。不。受。其。悞。者。是。以。特。著。此。編。兼。輯。醫。方。集。解。一。書。相。輔。而。行。篇。章。雖。約。詞。旨。詳。明。攜。帶。不。難。簡。閱。甚。便。倘。能。人。置。一。本。附。之。篋。笥。以。備。緩。急。亦。衛。生。之。一。助。有。識。之。士。當。不。以。愚。言。爲。狂。謬。也。

一。昂。自。壯。立。之。年。便。棄。制。舉。蹉。跎。世。變。念。著。書。作。詩。無。當。人。意。祇。堪。覆。瓿。難。以。垂。遠。然。禽。鹿。視。息。無。所。表。見。竊。用。

疚心故疲精瘁神著輯方書數種以爲有當于民生日用之實且集諸家大成貫穿箋釋或可有功前賢嘉惠來世易世之後倘有嗜吾書而爲重梓者庶能傳之久遠此區區立言之意也

一是書之作因閱過伯齡圍棋四子譜而師其意蓋圍棋之譜自唐宋至今千有餘載然必如伯齡之譜有議論有變換而後圍棋之妙顯本草自本經而下不啻數百千家然雖言其氣味主治而無義味可尋必須爲之字

箋句釋明體辨用而後藥性之功全蓋士生千載之後
貴能取前人之言寸衡銖稱抉髓掄精庶幾有集成之
益無缺略之譏也故拙著內經本草方解湯頭數書皆
另爲體裁別開徑路以發前賢未竟之旨啟後人便易
之門竊謂于醫學頗有闡微廓清之力讀者倘能鑒別
斯不虛老人之苦心焉耳

一拙著醫方集解卷帙稍繁不便攜帶故更束爲歌括附
于本草之末使行旅可以輕賫緩急便于取用

增訂本草備要

藥性總義

凡藥酸屬木入肝苦屬火入心甘屬土入脾辛屬金入肺
鹹屬水入腎此五味之義也

凡藥青屬木入肝赤屬火入心黃屬土入脾白屬金入肺
黑屬水入腎此五色之義也

凡藥酸者能澹能收苦者能瀉能燥能堅甘者能補能和
能緩辛者能散能潤能橫行鹹者能下能夷堅淡者能利

癸音軟
參音慘

去聲

竅能滲泄此五味之用也

凡藥寒熱溫涼氣也酸苦甘辛鹹味也氣爲陽味爲陰氣厚者陽中之陽薄者陽中之陰味厚者陰中之陰薄者陰

中之陽氣薄則發泄表散厚則發熱溫燥味厚則泄降薄則通

利發辛甘發散爲陽酸苦涌泄爲陰酸味涌泄爲陰淡味

滲泄爲陽輕清升浮爲陽重濁沉降爲陰陽氣出上竅陰

味出下竅清陽發腠理濁陰走五藏清陽實四肢濁陰歸

六腑此陰陽之義也

凡藥輕虛者浮而升重實者沉而降味薄者升而生象氣

薄者降而收象秋氣厚者浮而長象夏味厚者沉而藏象冬味平

者化而成象土氣厚味薄者浮而升味厚氣薄者沉而降氣

味俱厚者能浮能沉氣味俱薄者可升可降酸鹹無升辛

甘無降寒無浮熱無沉此升降浮沉之義也李時珍曰升者引之以鹹

寒則沉而直達下焦沉者引之以酒則浮而上至巔頂二

物之中有根升稍降生升熟降者是升降在物亦在人也

凡藥根之在上中者半身以上則上升半身以下則下降

以生苗者為根以入土者為梢上焦用根下焦用梢半身

以上用藥中焦用身半身以下用稍離一藥而根稍各別

用之或差。藥之爲枝者達四肢。爲皮者達皮膚。爲心爲幹。服亦固効。者內行藏府。質之輕者上入心肺。重者下入肝腎。中空者發表。內實者收裏。枯燥者入氣分。潤澤者入血分。此上下內外各以其類相從也。

凡藥色青味酸氣臊性屬木者皆入足厥陰肝。足少陽膽。經肝與膽相表裡。膽色赤味苦氣焦性屬火者皆入手少

陰心。手太陽小腸經。心與小腸相表裡。小腸色黃味甘氣香。腸爲丙火。心爲丁火。

性屬土者皆入足太陰脾。足陽明胃經。脾與胃相表裡。胃爲戊土。脾爲己土。

色白味辛。氣腥。性屬金者。皆入手太陰肺。手陽明大腸經。

肺爲大腸相表裡。大腸爲庚金。肺爲辛金。色黑。味鹹。氣腐。性屬水者。皆入足少

陰腎。足太陽膀胱經。腎與膀胱相表裡。膀胱爲壬水。腎爲癸水。凡一藏配一府。府皆屬陽。故爲

甲丙戊庚壬藏皆屬陰。十二經中。惟手厥陰心包。手少陽故爲乙丁巳辛癸也。

三焦經。無所主。其經通于足厥陰少陽。厥陰主血。諸藥入

肝經血分者。併入心包。少陽主氣。諸藥入膽經氣分者。併

入三焦。命門相火。散行于膽。三焦。心包絡。故人命門者。併

入三焦。此諸藥入諸經之部分也。

藥有相須者。同類而不可離也。如黃柏知母破故紙胡桃之類相使者我

之佐使也。相惡者奪我之能也。相畏者受彼之制也。相反

者兩不可合也。相殺者制彼之毒也。此異同之義也。

肝苦急。血燥故急急食甘以緩之。肝欲散。木喜條達急食辛以散之。

以辛補之。以酸瀉之。以散為補以酸為瀉心苦緩。緩則散逸急食酸以收

之心。欲要急食鹹以要之。以鹹補之。按水能克火然心以下交于腎為補取既

義也以甘瀉之。脾苦濕。急食苦以燥之。脾欲緩。寄和急食甘

以緩之。以甘補之。以苦瀉之。肺苦氣上逆。火旺急食苦以

瀉之。肺欲收。急食酸以收之。以酸補之。以辛泄之。腎苦燥。
急食辛以潤之。腎欲堅。堅固則無。狂蕩之患。急食苦以堅之。以甘補
之以賊瀉之。此五藏補瀉之義也。

風淫于內。治以辛涼。佐以苦甘。以甘緩之。以辛散之。風屬木。辛

屬金。金能勝木。故治以辛。涼過辛。恐傷真氣。故佐以苦。甘

苦勝辛。甘益氣也。木性急。故以甘緩之。木喜條達。故以辛

散之。熱淫于內。治以酸寒。佐以苦甘。以酸收之。以苦發之。

水故治以酸。寒甘勝酸。佐之所以防其過。必甘苦者。防酸

之過。而又以瀉熱氣作實也。熱淫。故以酸收之。熱結。故以

苦發之。濕淫于內。治以苦熱。佐以酸淡。以苦燥之。以淡泄之。

濕為土氣苦熱皆能燥濕淡能火淫于內治以鹹冷佐以

利竅滲濕用酸者木能制土也相火畏水也故治以鹹冷辛能

苦辛以酸收之以苦發之滋潤酸能收斂苦能泄熱或從其性而升燥淫于內治以苦溫佐以甘辛以苦下之金屬

發之也燥淫于內治以苦溫佐以甘辛以苦下之金屬

濕火能勝金故治以苦溫土能寒淫于內治以甘熱佐

緩辛能潤苦能下故以為佐也寒淫于內治以甘熱佐

以苦辛以鹹瀉之以辛潤之以苦堅之土能制水熱能勝

而辛亦熱品也傷寒內熱者以鹹瀉之內燥此六淫主治各有所宜故藥性宜明而施用貴審也人之五藏應五行金木水火土子母相生經曰虛則補其

母實則瀉其子。又曰子能令母實。如腎為肝母。心為肝子。故入肝者併入腎與心。肝為心母。脾為心子。故入心者併入肝與脾。心為脾母。肺為脾子。故入脾者併入心與肺。脾為肺母。腎為肺子。故入肺者併入脾與腎。肺為腎母。肝為腎子。故入腎者併入肺與肝。此五行相生子母相應之義也。

酸傷筋

斂則筋縮

辛勝酸。苦傷氣。

苦能傷氣

鹹勝苦。甘傷肉。酸勝甘。

辛傷皮毛

疎散

苦勝辛。鹹傷血。

鹹能傷血

甘勝鹹。此五行相克。

之義也。

酸走筋。筋病毋多食酸。筋得酸則拘攣收引益甚也。苦走
骨。骨病毋多食苦。骨得苦則陰益甚重而難舉也。甘走肉。
肉病毋多食甘。肉得甘則壅氣臃腫益甚也。辛走氣。氣病
毋多食辛。氣得辛則散而益虛也。鹹走血。血病毋多食鹹。
血得鹹則凝滯而口渴也。

鹹能滲泄津液

此五病之所禁也。

多食鹹則脉凝泣。

滯而變色。

脉即血也。心合脉。水剋火。

多食苦則皮槁。

百七拔。

肺合皮。壬火剋金。

多食辛則筋急而爪枯。

肝合筋。爪者筋之餘。爲金剋木。

按肝喜散故辛能補肝惟多則為害多食酸則肉胝瘍而唇揭脾合肉其華在唇木尅土脈音支多食甘則骨痛而髮落腎合骨其華在髮土尅水皮厚也此五味之所傷也。

藥之為物各有形性氣質其入諸經有因形相類者如連心而入心荔枝核似有因性相從者如屬木者入肝屬水者入腎潤者走血燥者入氣分本天者親有因氣相求者如氣香入脾氣有上本地者親下之類又如藥之頭入頭幹入身枝入肢皮行皮自然因質相同者又如紅花蘇木汁似血而入血之類之理可以意得也。

藥有以形名者。人參狗脊之類是也。有以色名者。黃連黑
參之類是也。有以氣名者。旃檀香需之類是也。有以味名
者。甘草苦參之類是也。有以質名者。石膏石脂歸身歸尾
之類是也。有以時名者。夏枯款冬之類是也。有以能名者。
何首烏骨碎補之類是也。

凡藥火製四煨。煨炙炒也。水製三浸。泡洗也。水火共製二
蒸煮也。酒製升提。姜製溫散。入鹽走腎而軟堅。用醋注肝
而收斂。童便製除劣性而降下。米泔製去燥性而和中。乳

製潤枯生血。密製甘緩益元。陳壁土製。藉土氣以補中州。
麵煨麴製。抑酷性勿傷上膈。烏頭甘草湯漬。並解毒致令
平和。羊酥猪脂塗燒。咸滲骨容易脆斷。去穢者免脹。去心
者除煩。此製治各有所宜也。

一藥之爲用。或地道不真。則美惡迥別。或市肆飾僞。則氣
味全乖。或收採非時。則良梮異質。或頭尾誤用。則呼應不
靈。或製治不精。則功力大減。用者不察。願歸咎于藥之罔
功。譬之兵不精練。思以盪寇克敵。適以覆衆輿尸也。治療

之家其可忽諸

千金云凡藥須治擇熬炮畢然後秤用不得生秤濕潤藥皆先增分兩燥乃秤之

增訂本草備要目錄

上海圖書館藏

一卷

草部 一百九十品 附莽草角蒿二種

黃耆

甘草稍

人參蘆

沙參

丹參

玄參

白朮

蒼朮

姜莖女萎

黃精

狗脊膏

石斛膏

遠志

石菖蒲

牛膝

甘菊苦薏

五味子膏

天門冬膏

麥門冬膏

款冬花

紫菀女菀

旋覆花根

百部

桔梗

薺花

馬兜鈴 白前 白及 半夏麴 南星麴胆星

貝母 括蕩 天花粉粉 夏枯草 海藻

海帶 昆布 獨活 羌活 防風

藁本 葛根汁 升麻 白芷 細辛

柴胡 前胡 麻黃根節 荊芥 連翹

紫蘇子梗葉 薄荷 雞蘇 木賊 浮萍

蒼耳子根 天麻 秦艽 稀莖草 威靈仙

釣藤鉤 茵芋莽草 當歸頭身尾 芍藥 白芍赤芍

地黃生乾
熟何首烏

增訂本草備要目錄

二卷

牡丹皮

續斷

骨碎補

益母草

澤蘭子蘭草附葉

白微

艾野艾

延胡索

紅花臘脂

茜草

紫草茸

凌霄花

大小蓯

三七又三

地榆

蒲黃

卷柏

蘭茹

菴藷子

鬱金

薑黃片子薑黃

莪茂

荆三稜

白茅根針

蘆根

葶根皮水

薔薇根

營實角蒿

芭蕉根

大黃

黃芩

黃連

胡黃連

苦參

知母

龍膽草

青黛

大青

牽牛

防已

漢已木已

葶藶

甜苦

甘遂

大戟

商陸

芫花

薏花

澤漆

常山

蜀漆

藜蘆

木通

通草

澤瀉

車前

草子

燈草

瞿麥

扁蓄

天仙籐

地膚子

葉

石韋

瓦韋

海金砂

茵陳

香薷

膏

青蒿

膏

附子

烏頭天雄

烏附尖側子

草烏頭

射罔

白附子

破故紙

肉蓯蓉

瑣陽

巴戟天 胡盧巴 仙茅 淫羊藿 蛇床子

兔絲子

覆盆子

葉

蒺藜子

沙苑蒺藜 刺蒺藜

根

使君子

益智子

砂仁

白豆蔻

肉豆蔻

草豆蔻

草菓

香附

木香

藿香

茴香

大小八角

甘松香

山柰

良薑

紅薑 蔻

藎麥

煙草

金銀花

膏

蒲公英

紫花地丁 杜牛膝

鶴虱

山豆根

牛蒡子

根

山慈菔

漏蘆

貫衆

射干

續隨子

馬蘭子

根 葉

蓖麻子

白頭翁

王瓜

子

王不留行冬葵子

春葵子
蜀葵花

白鮮皮

革薺

拔薺

土茯苓

赤白

白斂

赤斂

預知子

旱蓮草

膏

寄奴草

馬鞭草

穀精草

青箱子

決明子

蓼實

馬勃

木鱉子

增訂本草備要目錄

三卷

木部 八十一品

茯苓

皮白赤

茯神

心木

琥珀

松節

松脂松毛

柏子仁

側柏葉

肉桂

桂心

桂枝

枸杞子

葉

地骨皮

山茱萸

酸棗仁

杜仲

女貞子

楮實

皮

桑白皮

桑枝桑樵

桑火桑葉

桑寄生

卮子

猪苓

黃柏

枳實

厚朴

檳榔

大腹皮

槐實

槐花

苦棟子

蔓荊子

石南葉

辛夷

郁李仁

金櫻子

齊

訶子

烏藥

五加皮

椿樗白皮榆白皮

秦皮

海桐皮

蕤仁

密蒙花

芙蓉

山茶

木槿

杉木

烏白木

皂角

刺子

肥皂

櫻櫚

茶

吳茱萸

川椒

椒木

胡椒

黑胡椒

蘇木

沉香

檀香

紫檀

降真香

丁香

乳香

沒藥

楓脂香

冰片

樟腦

蘇合香

血竭

阿魏

蘆薈

胡桐淚木 蕪荑

沒石子

衛矛

漆

巴豆霜油

大風子

荆澁

竹瀝笋尖

竹茹

竹葉

天竹黃

雷丸

水楊柳

菓部 三十一品 附虫部水蛭 京虫二品

大棗

桃仁桃花水蛭

桃葉蜜虫

杏仁

烏梅 鹽梅

栗

陳皮橘核橘葉

青皮

柿乾霜蒂

木瓜

山查

梨

枇杷葉

橄欖

白菓

石榴皮

枳椇子

胡桃

皮青殼

龍眼

荔枝核殼

榧

松子

落花生

蓮子

石蓮

蓮蕊鬚

藕節

藕粉

荷葉

芡實

甘蔗

白糖沙糖

芋膾

菱角

西瓜

增訂本草備要目錄

四卷

穀菜部

穀二十二品
菜十七品

粳米

粥 陳米

糯米

飯 糖

穀芽

大麥芽

小麥

麵 寒食麵 浮麥 麥蘖

稷

粟

蕎麥

黑豆

馬料 豆

赤小豆

綠豆

粉

扁豆

豆豉

刀豆

胡麻

油

大麻仁

薏苡仁

御米壳

米

神麴

紅麴

酒

韭

韭子

葱

大蒜

薤

胡葵

生薑

乾薑 黑薑

薑皮

山藥

百合

萊菔

葉子

白芥子

芥子

蔓菁子

根

藝薑

馬齒莧

甜瓜蒂

冬瓜

子

絲瓜

茄根

茄子

金石水土部

金五品 土五品

石三十七品 附凝水石一品

水十一品

金

金箔 銀

銅綠

自然銅

鉛

鉛丹 鉛粉

鐵

鐵落 鐵緒

鐵精 鐵華

針砂

密陀僧

丹砂

水銀

輕粉

空青

雲母

石膏

凝水石

滑石

硝

朴硝 風化硝

芒硝

玄明粉

玄精石

石脂

赤白

禹餘糧

浮石

蓬砂

硃砂

慈石

礞石

頰石

花乳石

爐甘石

陽起石

鍾乳

白石英

紫石英

雄黃

雌黃 雄黃

石硫黃

土硫

石蟹

無名異

礞石

砒石

砒霜 砒黃

石灰

壙灰

白礬

膽礬

皂礬

青鹽

食鹽

急流水

逆流水

甘爛水

井泉

井華水 無根水 新汲水

百沸湯

陰陽水

黃蘗水

露

秋露水 花露水

臘雪水

冰

地漿

孩兒茶

百草霜

墨

伏龍肝

醢

禽獸部

禽五品
獸二十品

雞

冠血
肫皮

雞子
雞矢

雞體

烏骨雞

鴨血

鴨卵

五靈脂

夜明砂

猪胆

心血

猪肝

尾血

肝脂

蹄脂

懸蹄甲

肚肉

腎腸

犬腎

陰莖

羊肝

羊血

胆

羊乳

脛骨

牛乳

酥酪

白水

牛喉

牛黃

馬溺

驢溺

阿膠

黃明膠

虎骨

虎肚

犀角

羚羊角

鹿茸

鹿角

鹿膠

鹿角霜

鹿鞍

麝香

熊膽

象皮

象胆

獺肝

猬皮

脂

兔矢

兔肝 兔血

兔肉

猓鼠矢

鼠胆

鱗介魚虫部

鱗十四品 附螳螂羌螂羌青地胆亭長五品

介十一品

虫十五品

龍骨

齒

鯉魚

骨

鯽魚

石首魚

鰾

青魚膽

鱧魚膽

鱖魚

尾血

鰻鱺

蚺蛇膽

肉

白花蛇

烏梢蛇

蛇蛻

海狗腎

穿山甲

海螵蛸

龜板

膏尿

鱉甲

膏鱉胆

鱉肉

蟹

蟹爪

鰕

牡蠣

蛤粉

蚌粉海蛤

蛤蜊肉文蛤

瓦楞子

田螺

石決明

真珠

蛤蚧

蜂蜜

黃蠟

蜂房

殭蚕

蚕繭 蚕蛾 蚕屨紙

蚕砂

桑螵蛸

蛸螳螂 蛸蟬

蟬脫

蟬

五倍子

鹽膚

白蠟

斑蝥

芫菁 葛上亭長

地胆

蝎

蜈蚣

蟾蜍

蟾酥

蚯蚓

屎

五穀虫

人部

九品

髮

胎髮 頭垢

人牙

人乳

粉

紫河車

童便

秋石

秋水

人中黃

糞清

糞下土

人中白

增訂本草備要卷之一

休寧汪 昂初菴著輯 男汪 端其兩

弟汪 桓殿武參訂 姪汪惟寵子錫

學同鄭曾慶贊寔同訂 姪堦仇 澣天一同較

草部

補氣固
表海火

朱震亨

號丹溪

著本草

補遺

黃耆

甘溫。生用固表。無汗能發。有汗能止。

丹溪云黃耆大補陽虛自

汗。若表虛有邪。發汗不出者。服此又能自汗。

溫分肉。實腠理。瀉陰火。解肌熱。

灸用補中。益元氣。溫三焦。壯脾胃。

脾胃一虛。土不能生金。則肺氣先絕。脾胃

汪機號石山著
本草會編
王好古號海藏
著湯液
本草
甄權著藥性論
日華著
大明本草
李東垣

緩和則肺氣旺而肌表固。生血生肌。氣能生血。血能生肉。長經日。血生於
實。補中即所以固表也。排膿內托。瘡癰聖藥。毒氣化則成膿。補氣故能內托。癰疽不能成膿者。死不治。毒氣盛而
元氣衰也。痘症不起。陽虛無熱者。宜之。新安汪機治痘
痘症亦然。四君子湯加黃耆紫草。多效。間有枯萎而死者。自咎用
藥之不精。思之至忘。寢食忽悟曰。白朮煨熟。茯苓炒水
宜。痘漿之不行也。乃減去二味。加官桂糯米。以助其力。
因名保元湯。入參白朮茯苓甘草。名四君子湯。王好古
曰。黃耆實衛氣。是表藥。益脾胃。是中藥。治傷寒尺脉
不至。補腎元。是裏藥。甄權謂其補腎者。氣為水母也。日
華謂其止崩帶者。氣盛則無陷下之憂也。蒙莖曰。補氣
藥多。補血藥亦從而補氣。補血藥多。補氣藥亦從而補
血。益氣湯雖加當歸。因勢寒功。按參耆朮。補血湯數
倍于當歸。亦從當歸所引而補血。黃耆一兩。當歸二錢。

著用藥
法家

陳嘉謨
著本草
藥莖

有補有
瀉能表
能裏可
升可降

名補血湯。氣藥多而云補血者。氣能生血。又有當歸為引也。表旺者不宜用。陰虛者宜少用。恐升氣于表而裏愈虛矣。為補藥之長。故名耆。俗作皮黃肉白堅實者良。

入補中藥。槌扁蜜炙。達表生用。或曰補腎及治崩帶淋。

說非也。前症用黃耆。非欲抑黃耆使入腎也。取其補中升氣。則腎受陰而帶濁筋脉自止。即日華氣盛自無陷

下之憂也。有上病而下取。存下病而上取。補彼經而益及此經者。此類是也。扶苓為使。惡

甲白鮮皮。畏防風。東垣曰黃耆得防風其功益大。乃神聖而更以相使也。

甘草 味甘。生用氣平。補脾胃不足而瀉心火。火急甚者

之。灸用氣溫。補三焦元氣而散表寒。入和劑則補益入

汗劑則解肌

解退肌表之熱

入涼劑則瀉邪熱

白虎湯瀉心湯之類

入峻

劑則緩正氣

薑附加之恐其僭上硝黃加之恐其峻下皆緩之之意

入潤劑則養

陰血

炙甘草湯之類

能協和諸藥使之不爭生肌止痛

土主肌肉其能

緩通行十二經解百藥毒

凡解毒藥並須冷飲熱則不効小兒初生拭去口中惡血

綿漬汁令嘔

故有國老之稱中滿症忌之

其令人滿亦有生用為導

者以其能引諸藥至于滿所經云以甘補之以甘瀉之

是已故別錄甄權並云除滿脾健運則滿除也仲景治

痞滿有甘草瀉心湯又甘草得茯苓則不資滿而反泄滿

瀉火生用達莖中

腎用利

稍止莖中痛淋濁症用之

白木苦參乾漆

陶弘景
註明醫
別錄發
明藥性

爲使惡遠志反大戟芫花甘草連海藻然亦有並用者。治痰癰十棗湯加甘草東垣治結核與海藻同用。丹溪治勞瘵蓮心飲與芫花同行非妙達精微者不知此理。十棗湯芫花甘草大戟等分。棗十枚仲景治傷寒表已解心下存水氣喘嗽之劑時珍曰甘草外赤中黃色兼坤離味濃氣薄資全土德協和羣品有元老之功善治百邪得王道之化贊帝力而人不知參神功而已不與可謂藥中之良相也。昂按甘草之功用如是故仲景有甘草湯甘草芍藥湯甘草茯苓湯炙甘草湯以及桂枝麻黃葛根青龍理中四逆調胃建中柴胡白虎等湯無不重用甘草贊助成功。卽如後人益氣補中湯火解毒諸劑皆倚甘草爲君必須重用方能建効。此古法也。奈何時師每用甘草不過二三分而止不知始自何人相習成風牢不可破殊屬可笑。附記以正其失。

大補元氣
氣瀉火

人參

生其苦微涼

其補陽微苦微寒又能補陰

熱其溫大補肺中元

氣東垣曰肺主氣肺氣旺則四藏之氣皆旺精自生而形自盛

補氣羊瀉火得升麻補上焦瀉肺火得茯苓補下焦瀉肉補形

其溫退大熱東垣曰參者甘草瀉火之聖藥合用名黃耆湯按煩勞則虛而生熱得甘溫以益元氣而邪熱自退故亦益土

謂之瀉益土健生金補肺明目開心益智添精神定驚悸

邪火退正氣旺則除煩渴生津故止渴通血脉氣旺則

汝瞻曰生脉散用之者以其通經活血則脉自生也破古方解散藥行表藥多用之皆取其通經而走表也

堅積氣運則消痰水氣旺則痰治虛勞內傷傷于七情六欲飲食

作勞爲內傷傷于風寒暑濕爲外感如內傷發熱時熱時止外感發熱甚無休內傷惡寒得煖便解外感惡寒聚火不除內傷頭痛乍痛乍歇外感頭痛連痛無停內傷則手心熱外感則手背熱內傷則口淡無味外感則鼻塞不通內傷則氣口脈盛多屬不足宜溫宜補宜利外感則人迎脈盛多屬有餘宜汗宜吐宜下蓋左人迎主表右氣口主裏也昂按東垣辨內傷外感最詳恐人以治外感者治內傷也今人緣東垣之言凡外傷風寒發熱咳嗽者果不輕易表散每用潤肺退熱藥間用秦艽蘼梗柴胡前胡一二味而羌活防風等絕不敢用不思秦艽陽明藥柴胡少陽藥子太陽有何涉乎以致風寒久鬱咳嗽不止變成虛損殺人多矣此又非內傷治外感之發熱自汗自汗屬陽虛盜汗屬陰虛有過服參耆而汗反甚者以陽盛陰虛陽愈補而陰愈虧多夢粉紅咽噤反胃虛熱也又宜清熱養血而汗自止

孔有推

發明

著本草

望南高

喘促。蒙荃曰。歌有肺熱還傷肺之句。惟言寒熱不辨虛實。若肺中實熱者。忌之。虛熱者。服之。何害。又曰。諸

痛無補法。不用參耆。若久病虛痛。何嘗忌此耶。瘧痢滑瀉。始痢宜下。久痢宜補。治瘧意同。丹溪曰。葉

先生患痢後甚。逼迫正合承氣。亦予丹氣口。脈虛形雖實。而面黃白。必過飽傷胃。與參朮陳芩十餘帖。三日後

胃氣稍完。再與承氣湯二帖而安。又曰。補未至而下。則病者不能當補。已至而弗下。則藥反添病。匪急匪徐。其

間間不容髮。噫。微哉。昂按此先補後下法之變者也。非胸有定見者。不可輕用。然後學亦宜知之。大承氣湯。大

黃半硝枳。淋瀝脹滿。發明云。胸脇逆滿。由中氣不足。作實厚朴。淋瀝脹滿。服者宜補之。而腹自除。經所謂塞

因塞用也。俗醫泥于作飽不敢用。不知必中暑中風。服反滋壅。多服則宜通補之。正所以導之也。中暑中風

及一切血症。東垣曰。古人治大吐血。脈乳洪者。並用人參。脫血者。先益其氣。蓋血不自生。須得生

陽氣之藥乃生陽生則陰長之義也。若單用補血藥，血無由而生矣。凡虛勞吐血，能受補者易治，不能受補者難治。黃潤緊實似人形者良。去蘆用補劑，用熟瀉火用

生鍊膏服，能回元氣于無何有之鄉。有火者天冬膏對服。參生時

背陽向陰，不喜風日，宜焙用。忌鐵，扶苓為使。畏五靈脂。

惡皂莢、黑豆、紫石英、人洩、鹹鹵、反藜蘆。言聞曰：東垣理脾胃，瀉陰火交

泰丸內用人參、皂莢，是惡而不惡也。古方療月閉四物湯，加人參、五靈脂，是畏而不畏也。又療痰在胸膈，人參

藜蘆同用，而取其涌越，是激其怒性也。非洞奧達權者，不能知。人參蘆能涌吐痰涎。

體虛人用之以代瓜蒂。丹溪曰：人參入手太陰，補陽中之陰，蘆反能瀉太陰之陽，其

補陰瀉
肺火

麻黃根者不同痰在上屬在經絡非吐不可吐中就
發散之義一婦性躁味厚暑月因怒而病呃作則舉身
跳動昏不知人其形氣俱實乃痰因怒鬱氣不得降
非吐不可以參蘆半兩逆流水煎服吐頑痰數碗大瀉
昏睡而安

沙參 甘苦微寒味淡體輕專補肺氣清肺養肝兼益脾

腎脾為肺母久嗽肺痿金受火剋者宜之寒客肺中作

嗽者勿服人參補五藏之陽沙參補五藏似人參而

體輕鬆白實者良生沙地者長大生黃土者瘦小惡防

已反藜蘆北地真者難得鄭真一日能療胸痺心腹痛

邪熱結氣皮膚游風疥癬惡瘡疝氣崩帶

補心生
血去瘀

丹參

氣平而降

本經微寒。景曰：性溫熱。

味苦色赤。入心與包絡。破

宿血生新血。

瘀去熱後新生。

安生胎。

養血墮死胎。

去調經脉。

風寒濕熱。

養傷營血。則經水不調。先期屬熱。後期屬寒。又有血虛血瘀。氣滯痰阻之不同。大抵婦人之病。首重調經。經調

則百病散。

除煩熱。功兼四物。

一味丹參散。與四物湯同。

為女科要藥。治冷

熱勞。骨節痛。風痺不隨。

手足緩散。不隨人用。經曰：足受血而能步。掌受血而能握。腸

鳴腹痛。崩帶。癥瘕。

音征。加癥者有塊。可徵。瘕者假也。移動聚散無常。皆血病。

血虛血

瘀之候。又治目赤。疳痛。瘡疥。腫毒。排膿生肌。

鄭真一曰：片參養神。

定志。通利血脉。實有神驗。

畏鹹水。忌醋。反藜蘆。

無根之火

此與黃耆能治不焦淋濁崩淋同義

補脾燥濕

立參 苦鹹微寒色黑入腎能壯水以制火散無根浮游

之火腎水受傷真陰失守益精明目利咽喉通二便治

骨蒸傳屍傷寒陽毒發斑亦有陰症懊憹鬱悶不舒煩渴溫

瘧洒洒喉痺咽痛本腎藥而治上焦火症壯水以制火也腎脉貫肝隔入肺中循喉嚨系舌

本腎虛則相火上炎此喉痺咽腫咳嗽寒散吐血之所由來也潮熱骨蒸亦本于此瘰癧結核火鹹

堅軟癰疽鼠瘻音漏脾虛泄瀉者忌用 蒸過焙用勿犯銅

器惡黃耆山茱萸聚反藜蘆

白朮 苦燥濕經曰脾苦濕急其補脾溫和中在血補血

汪機著
本草會編
水火相
激則腸
鳴

在氣補氣。同。血藥則補血。無汗能發。有汗能止。濕從汗

同。氣藥則補氣。

出濕去

汗止。止汗同。青芍之燥濕。則能利小便。生津液。既燥濕

汪機著

本草會

編

水火相

激則腸

鳴

津何也。汪機曰。脾惡濕。濕勝則氣不得施。化津何由生。用白朮以除其濕。則氣得周流。而津液生矣。止泄

瀉。凡水瀉濕也。腹痛腸鳴而瀉。火也。痛甚而瀉。瀉而痛

減者。食也。完穀不化。氣虛也。在傷寒。下利則為邪熱

不殺穀也。久瀉名脾泄。腎虛而命火衰。不能生土也。有

積痰壅滯。肺氣不能下降。大腸虛而作瀉者。宜豁痰有

傷風泄瀉者。宜散風如脾虛瀉。消痰水腫。消黃疸濕

者。宜白朮。凡治瀉丸散。優于湯劑。

痺補脾。則能進飲食。祛勞倦。脾主四肢虛止肌熱。脾主

化癥癖。同。枳實則消痞。一消一補。名枳朮和中。則能已

九。荷葉燒飯為丸。脾運則積化也。

和中。則能已

草 一 立 參 白 朮

二

嘔吐定痛安胎

同黃芩則安胎黃芩除胃熱白朮補脾亦除胃熱利腰膝開血益胎氣繫于脾

脾虛則帶無所附故易落利腰

血燥無濕者禁用能生

膿作痛潰瘍忌之

補氣故也凡脹滿者忌用白朮閉氣然亦有塞因塞用者

肥白

者出浙地名雲頭朮燥白者出宜欽名狗頭朮差勝于

浙用糯米泔浸

借穀氣以和脾

陳壁土炒

藉土氣以助脾

或蜜水炒人

乳拌用

潤以制其燥千金方云有人病牙齒長出艱于飲食者名髓瀝單服白朮愈

蒼朮

甘溫辛烈燥胃強脾發汗除濕能升發胃中陽氣

東垣曰雄壯上行能除濕下安太陰使邪氣不傳入脾

止吐瀉逐痰水

許叔微云蒼朮能治

補脾燥
濕其片
陽散鬱

水飲之。辟穢。蓋燥脾以去濕。崇土以填科臼。用蒼朮一斤。大棗五十枚。去皮搗。油麻半兩。水二瓊。研濾汁。和丸。名神木丸。丹溪曰。實脾。消腫滿。辟惡氣。辟一切嵐瘴邪土。燥脾濕是治痰之本。惡鬼氣。暑濕月。

焚之。佳。夷堅志云。有士人遊西湖。遇一女子。明艷動人。重幣求之。不得。又五年。重尋舊遊。悵然空返。忽遇女子。士欣然並行。過旅館。留半歲。將議偕遊。女曰。向自君去。憶念之苦。感疾而亡。今非人也。但君侵陰氣深。當暴瀉。宜服平胃散。以補安精血。士驚。輒曰。藥味皆平。何得取効。女曰。中有蒼朮。除邪氣。乃為上品也。散風寒。

濕為治痿要藥。

陽明虛則宗筋縱弛。帶脈不引。故痿躄。蒼朮。陽明經藥。經曰。治痿獨取陽明。合。

黃柏為二妙散。加。

又能總解痰火。氣血濕食。六妙。并漢。

牛膝名三妙散。

鬱皆因傳化失常。氣不得升降。病在中焦。將欲升之。必先降之。將欲降之。必先升之。越鞠丸用蒼朮。香附。蒼朮。

能徑入諸經。跌泄陽明之濕。通行欬瀉。香附及脾濕下

乃陰中快氣之藥。一升一降。故鬱散而平。流腸風帶濁。帶濁赤者濕傷血分。從心小腸來。白者濕傷氣分。從肺大腸來。並有寒熱二症。亦有

因痰而帶濁者。宜燥結多汗者忌用。南陽文氏值亂逃二陳加二朮升柴。壺山飢困有人教

餌朮。遂不飢。數十年後歸家。顏色更少。氣力轉健。朮一名山精。一名山薑。導仙錄曰。子欲長生。當服山精。子欲輕翔。當服山薑。昂按。蒼朮善發汗。安能長遠。服食文氏仙錄之說。要亦方書誇張之言也。出茅山。

堅小有硃砂點者良。糯米泔浸焙乾。同芝麻炒。以制其

燥。二朮皆防風地榆為使。主治畧同。第有止汗發汗之

異。古方本草不分蒼白。陶隱君即弘景言有兩種。始各施

平補而
潤去風

用

姜蕤

甘平補中益氣潤心肺悅顏色除煩渴治風淫濕

毒目痛皆爛

風

寒熱疔瘡

疔詩廉切

中風暴熱不能動

搖頭腰痛

凡頭痛不止者屬外感宜發散乍痛乍止者屬內傷宜補虛又有偏頭痛者左屬風

與血虛右屬痰熱與氣虛腰痛亦有腎虛氣滯痰積血瘀風寒濕熱之不同凡挾虛挾風濕者宜姜蕤

寒自汗一切不足之症用代參膏不寒不燥大有殊功

昂按姜蕤溫潤甘平中和之品若蜜製作丸服之數斤自有殊功與服何首烏地黃者同一理也若僅加數分于煎劑以為可代參者則失之遠矣大抵此藥性緩次服方能見功而所主者多風濕虛勞之緩症故臞仙以

平補而潤

異爾

或酒浸蒸用畏鹹鹵

陶弘景曰本經有女萎無萎蕤別錄有萎蕤無女萎功用正同疑名

而差小黃白多鬚

二藥功用相近而萎蕤更勝

竹刀刮去皮節蜜水

之服食南陽用治風濕千金外臺亦間用之未嘗特之爲重劑也若急虛之症必須參耆方能復脉曰陽斯時卽用萎蕤斤許亦不能敵參耆數分也時醫同李時珍有可代參耆之語凡遇虛症輒加用之曾何益于病者之分毫哉拙著方解欲採萎蕤古方可以人補劑者終不可得則古人之罕用亦可見矣

似黃精

黃精

平甘補中益氣安五藏益脾胃潤心肺填精髓助

筋骨除風濕下三虫以其得坤土之精粹久服不飢氣滿

平補肝

則不飢。脂川有人虐使婢。婢逃入山。拔草根食之甚美。久食不飢。夜宿樹下。見草動。疑為虎。上樹避之。及曉而下。凌空若飛鳥。家人採薪見之。告其主。設網捕不得。或曰。此豈有仙骨。不過服食靈藥耳。遂設酒饌于路。果來食之。食訖。遂不能去。擒而詢之。指所食之草。乃黃精也。俗名山生薑。九蒸九晒用。仙家以為芝草之類。服之長生。

狗脊

苦堅腎。甘益血。

肝能強

溫養氣。治失溺不節。

腎虛脚弱。

腰痛。寒濕周痺。

經曰。內不在藏府。而外未發于皮膚。除

風虛。強機關。利俛仰。

滋腎益肝。則骨健而筋強。

有黃毛如狗形。故

曰金毛狗脊。去毛切。酒拌蒸。草薺為使。熬膏良。

年補脾
腎

本草綱目 卷一

石斛 井淡入脾而除虛熱。鹹平入腎而濟元氣。益精強

陰。煖水藏平。胃氣補虛。勞壯筋骨。療風痺脚弱。發熱自

汗。夢遺滑精。囊澁餘瀝。雷敦曰石斛鎮涎昂按石斛石

之煎劑。碎難見功。必光澤如金。釵股短而中實。生石

上者良。名金釵石斛。長而虛者名木斛。不堪用。去頭根。

酒浸用。惡巴豆。畏廬蠶。細剉水浸。熬膏更良。

遠志 苦洩熱。溫壯氣。辛散鬱。主手少陰。心。能通腎氣。上

達于心。強志益智。補精壯陽。聰耳明目。利九竅。長肌肉。

補心腎

經疏
著本草
經疏

宜通竅
補心
萬蒲黍
米釀酒
治一切
風

助筋骨治迷惑善忘驚悸夢洩

能交心腎時珍曰遠志入足少陰腎經非心經

藥也強志益精故治健忘蓋精與志皆藏于腎腎精不足則志氣衰不能上通于心故健忘夢洩也腎積

奔豚一切癰疽

酒煎服經疏曰癰疽皆從七情憂鬱惱怒而得遠志辛能散鬱

首多矣何獨遠志三因云蓋亦補腎之力耳

去心甘草水浸一宿用畏珍

珠藜蘆得茯苓龍骨良

石菖蒲 辛苦而溫芳香而散補肝益心開心孔利九竅

明耳目發音聲去濕逐風除痰消積開胃寬中療噤口

毒痢楊士瀛曰噤口雖屬脾虛亦熱閉胸膈所致用木香失之溫山藥失之閉唯參苓白朮散加菖蒲米

石斛 石菖蒲

李士材
著藥性
解本草
通玄

補肝腎
惡血

本草綱目

卷一

二

飲下。胸次一風痺驚癇。崩帶胎漏。消腫止痛。解毒殺虫。
開。自然思食。李士材曰。仙經稱為水草之精英。神仙之靈藥。用泔浸
飯上蒸之。藉穀氣而臻于中和。真有殊嘗之效。又曰。芳
香利竅。心脾良藥。能佐地黃。天冬之屬。資其宣導。若多用。獨用。亦耗氣血而為殃。
根瘦節密。

一寸九節者良。去毛微炒用。秦艽為使。惡麻黃。忌飴糖。

羊肉鐵器。

牛膝

苦酸而平。足厥陰少陰經藥。

肝。能引諸藥下行。酒

蒸則甘酸而溫。益肝腎。強筋骨。

肝主筋。腎主骨。

治腰膝骨痛。足

痿筋攣。

下行故埋足。補肝則筋歸血行。則痛止。

陰痿失溺。

筋衰則陰痿。久腎虛則失溺。

杜牛膝
見後

癰下痢傷中少氣以上皆補生用則散惡血破癥結行血

肝腎之功

則結治心腹諸痛淋痛尿血熱畜膀胱溺清而痛曰淋

散

即發冷淋寒戰後溲膏淋便出如膏石淋精結成石尿

血即血淋也色鮮者心與小腸實熱色瘀者腎與膀胱

虛冷張子和曰石淋乃肝經移熱于胞中日久熬煎成

石非腎與小腸病也大法治淋宜通氣清心平火利溼

不宜用補恐濕熱得補增劇也牛膝淋症要藥血淋尤

宜用之杜牛膝亦可又有中氣不足致小便不利者宜

補中益氣經所謂氣化則經閉產難下行之効喉痺齒

能出是也忌用淋藥通之

痛引火癰腫惡瘡金瘡傷折以上皆散出竹木刺搗爛

痛下行

即出縱瘡口然性下行而滑竅夢遺失精及脾虛下陷

合刺猶自出

一牛膝

宣祛風
無補肺
腎明目

因而腿膝腫痛者禁用 出西川及懷慶府長大肥潤者良下行生用入滋補藥酒浸蒸惡龜甲畏白前忌牛肉

甘菊花

味兼甘苦性稟平和備受四氣

冬苗春葉夏莖秋花飽經

霜露得金水之精居多能益金水二藏肺腎以制火而平

木心肝木平則風息火降則熱除故能養目血去翳膜與

杞杞相對蜜丸久治頭目眩運風熱散濕痺避風以單瓣服永無目疾

味甘者入藥

花小味苦者名苦薺非真菊也牧

木枸杞

著開談云真菊延齡野菊瀉人

補肺腎
瀉精氣

地骨皮爲使黃者入陰分白者入陽分紫者入血分可
藥可餌可釀可枕仙經重之。

五味子

性溫五味俱備

皮甘肉酸核中苦辛都有鹹味

酸鹹爲多故專

收歛肺氣而滋腎水

氣爲水母經曰肺欲收急食酸以收之好古曰入手太陰血分足少

陰氣益氣生津

肺主氣歛故能益益氣故能生津夏月宜常服以瀉火而益金

補虛明

目強陰瀉精

仲景八味丸加之補腎蓋內核似腎象形之義

退熱歛汗止嘔住

瀉寧嗽定喘

感風寒而喘嗽者當表散宜羌防藶桔痰壅氣逆而喘嗽者當清降宜二陳及蘇子

降氣湯水氣逆而喘嗽者

能平夏

除煩渴消水

扶苓湯氣虛病久而喘嗽者

宜人參五味

腫解酒毒收耗散之氣。腫子散大。嗽初起。脈數有實火。

者忌用。丹溪曰。五味收肺氣。非除熱乎。補腎非煖水藏乎。乃火熱嗽必用之藥。冠氏所謂食之多虛熱。

者收補之驟也。閔守泉每晨吞北產紫黑者良。入

北五味三十粒。固精氣益五藏。

滋補藥。蜜浸蒸入。勞嗽藥生用。俱杵碎核。南產色紅而

枯。若風寒在肺。宜南者。莢蓉為使。惡菱梨。熬膏良。

天門冬。甘苦大寒。入手太陰。肺氣分。清金降火。益水之。

潤肺火。補腎水。潤燥痰。

上源。肺為下通足少陰腎。苦能堅腎。寒能去腎。家濕熱故亦治骨疼。滋腎潤。

燥止渴消痰。蒙荃曰。腎主津液。燥則凝而為痰。得潤劑則痰化。所謂治痰之本也。澤肌膚。

利二便治肺痿肺癰

肺痿者感于風寒咳嗽短氣鼻寒胸脹久而成痿有寒痰熱痰二症

肺癰者熱毒蘊結以吐膿血胸中隱痛痰重而短氣輕

治痿宜養血補氣保肺清火治癰宜瀉熱豁痰開提升

散瘰為邪實痰為

吐膿吐血

苦泄血帶并益元氣寒止血妄行

痰嗽喘

正虛不可誤治

促消渴監乾

煩渴引飲多食善飢為消渴由火盛津枯

足下熱痛虛勞骨蒸

陰虛有火之症然性冷利胃虛無熱及鷓鴣者忌用取

肥大明亮者去心皮酒蒸地黃貝母為使惡鯉魚二冬

熬膏並良

天冬滋陰助元消腎痰麥冬清心降火止上炎

麥門冬

并微苦寒清心潤肺

東垣曰入手太陰氣分

強陰益精瀉

補肺清心瀉熱

燥

丙火小
腸庚金
大腸並
主津液

熱除煩。微寒能瀉肺火。火退則金清。金旺則消痰止嗽。

午前嗽多屬胃火。宜芩連梔枳。知母石膏。午後嗽及日輕夜重者多屬陰虛。宜五味麥冬。知母四物。行水

生津。肺清則水道下行。故治浮腫火治嘔吐。胃火上衝

冬又有因寒因食痿癭。手足緩縱曰痿。癭陽明熱燥。上

因痰因虛之不同。痿癭。蒸于肺。故肺熱葉焦。發為痿癭。

經疏曰。麥冬實足。客熱虛勞。脉絕短氣。同入參五味。名

陽明胃經之正藥。脉肺朝百脉。補肺清心。則氣充而脉復。又有脉絕將死

者服此能復生之。夏月火旺灼金。服之尤宜。東垣曰。人
參甘寒。瀉火熱而益元氣。麥冬苦寒。滋燥金而清肺。痿
水源五味酸溫。瀉丙火而補庚金。益五藏之氣也。肺痿
吐膿。血熱妄行。經枯乳閉。明日悅顏。益水。但性寒而泄。

潤肺
熱止嗽

郭佩蘭
著本草
肺惡寒

氣弱胃寒人禁用。肥大者良。去心用。入滋補藥酒浸。

制其寒。地黃車前為使。惡欬冬。畏苦參。青箱木耳。

欬冬花 辛溫純陽。瀉熱潤肺。消痰除煩。定驚。明日治咳。

逆上氣喘渴。肺虛。喉痺。肺痿。肺癰。咳吐膿血。為治嗽要。

藥。燒烟以筒吸之亦良。百合欬冬等分。蜜丸。名百花膏。

治咳嗽痰血。凡陰虛勞嗽。通用欬冬。紫苑。百部。百合。

沙參。生地。麥冬。五味。知母。杏仁。如內熱骨蒸。加升皮地。

骨。若嗽而復瀉者。為肺移熱于大腸。藏府俱病。嗽而發。

熱不止者。為陰寒。熱虛實皆可施用。本草匯曰。隆冬獨。

虛火炎。皆難治。寒熱虛實皆可施用。秀先春開。熟得腎。

之體。先肝之用。故為溫肺理嗽之品。大抵欬必因寒。寒。

為冬氣。入肺為逆。欬冬非肺家耑藥。乃使肺邪從腎順。

潤肺
火

流而
出也

十一月開花如黃菊微見花未舒者良

生北關

中世多以杞

揀淨花甘草水浸一宿暴用得紫苑良杏

仁為使惡皂莢硝石玄參畏黃耆貝母連翹麻黃青箱

辛夷

雖畏貝母得之反良

紫苑

音淵土聲亦音鬱

辛溫潤肺苦溫下氣補虛調中消痰止

渴治寒熱結氣欬逆上氣欬吐膿血

專治血痰為肺經血勞聖藥

肺經

虛熱小兒驚癇

亦虛而有熱

能開喉痺取惡涎然辛散性滑

不宜多用獨用

本草匯云苦能達下辛可益金故吐血保肺收為上劑雖入至高善下達下使

州都勝
晚也

瀉下氣
消痰

觀音梗

氣化及于州都。小便自利。人所不知。李士材曰。辛而有燥潤而不寒。補而不滯。誠金玉君子。非多用獨用不能速効。根作節。紫色潤軟者良。人多以車前旋覆根偽之。誤服誤人。去頭鬚。

蜜水浸焙用。欬冬為使。惡天雄。瞿麥。藁本。遠志。畏茵陳。

白者名女苑。時珍曰。紫入血分。白入氣分。

旋覆花。一名金沸草。鹹。能軟。堅。苦。辛。能下。氣。行。水。溫。能。通。血。

脉入肺大腸經。消痰結。堅。痞。吐。如。膠。漆。噫。氣。不。除。小兒。

俗作噎。胸中氣不暢。故噎以通之。屬不足。亦有挾痰挾火者。屬有餘。仲景治汗吐下後。痞鞭噫氣。有代赭旋覆。

湯。大腹水腫。去頭目風。然走散之藥。冷利大腸。虛者慎。

用。類金錢菊。去皮蒂。蒸用。根能續筋。

筋斷者搗汁滴傷處。

滓傳其上半月不開筋自續矣。

百部

甘苦微溫。能潤肺。治肺熱咳嗽。

苦能泄熱。

有小毒。殺虻

蠅。虱。一切樹木蛀虫。

觸即死。

治骨蒸傳尸。

疳積。疥癬。

皆用。

臣時珍曰。百部亦天冬之類。故治肺而殺虫。但天冬寒熱嗽宜之。百部溫寒嗽宜之。

根多成

百故名。取肥實者。竹刀劈去心皮。用。

桔梗

苦辛而平。色白。屬金。入肺。

氣分。

瀉熱。兼入手少陰心。

足陽明胃經。開提氣血。表散寒邪。清利頭目。咽喉胸膈。

宣通氣血。瀉火散寒。載藥上浮。

肺殺虫。

下氣即
降火也

滯氣。凡痰壅喘促。鼻塞。肺氣不利。目赤。喉痺。咽痛。兩少齒痛。

陽明口瘡。肺癰。乾咳。火鬱在肺。胸膈刺痛。火鬱上焦。下痢腹痛。腹

滿。腸鳴。肺火鬱。並宜苦梗以開之。為諸藥舟楫。載之上

浮。能引苦泄峻下之劑。至于至高之分成功。既能上行而

何也。肺主氣。肺金。養血排膿。補內漏。枳桔湯。治胸中痞

滿。不痛。取其通肺利膈下氣也。其桔湯。通治咽喉口舌

諸病。取其苦辛散寒。其平除熱也。朱仁宗加荊芥防風

連翹。遂名如聖湯。王好古加味甘桔湯。失音。加訃子。聲

不出。加半夏。土氣加陳皮。延散。加知母。貝母。欬渴。加五

味。酒毒。加葛根。少氣。加人參。嘔。加半夏。生薑。吐膿血。加

紫菀。肺痿。加阿膠。胸膈不利。加枳殼。痞滿。加枳實。目赤。

補和中
解毒

潤肺
氣

加梔子大黃面腫加茯苓膚痛加黃耆發斑加荆防疾
毒加牛蒡大黃不得眠加梔子昂按觀海藏所加則用
藥之大較亦可識矣
去浮皮泔浸微炒用畏龍膽白及忌猪肉

薺芫 寒利肺甘鮮毒
能解白藥及蛇蠱毒在諸藥中毒皆自鮮和中止嗽治

消渴強中
潤症下消莖長興盛不交精出名強中消渴之後發為癰症癰腫疔毒

似人參而體虛無心似桔梗而味甘不苦
好買冬用以亂人參時珍

日薺芫即
甜桔梗

馬兜鈴 體輕而虛熱則四開象肺故入肺寒能清肺熱

苦辛能降肺氣
時珍曰錢乙補肺阿膠散用之非取其補肺取其清熱降氣則肺自安也其中

瀉肺降
氣下痰

白微見
血藥類

阿膠糯米乃補肺之正藥昂按清熱降氣瀉之治痰嗽
即所以補之若專一于補適以助火而益嗽也

喘促血痔瘻瘡肺大腸經熱瘻漏也音閭亦音漏痔屬
大腸大腸與肺為表裏肺

移熱于大腸故腸風痔瘻清藏熱則府熱亦
清矣千金單服治水腫以能瀉肺行水也亦可吐蟲

湯劑中用蔓生實如鈴去筋膜取子用
之多作吐

白前辛甘微寒長于降氣下痰止嗽治肺氣壅實胸膈

逆滿虛者禁用似牛膝粗長堅直易斷者白前也短

小柔軟能彎者白微也近道多有形色頗同以此別之去頭鬚甘草水

浸一伏時即一晝夜焙用忌羊肉

草
一
齊
花
馬
兜
鈴
白
前

新
逐瘀生
補肺

白及 味苦而辛性瀉而收得秋金之令入肺止吐血

玄摘

云試血法吐水內浮者肺血也沉者肝血也半浮沉者心血也各隨所見以羊肺肝心肺白及末日日服之佳肺損者能復生之損壞者可以復生台州獄吏憫一重

囚囚感之云吾七犯死罪遭刑拷肺皆損傷得一方用白及末米飲日服其効如神後囚凌遲剖其胸見肺間竅穴數十皆白及治跌打折骨酒服湯火灼傷油調惡

填補色猶不變也二錢末煨惡

瘡癰腫敗疽死肌蓋去腐逐瘀以生新之藥除面上肝

炮肝音干去聲而黑塗手足皴裂令人肌滑紫石英

氣炮音飽面瘡也

為使畏杏仁反烏頭

燥濕痰
熱腎燥
宜通陰
陽

半夏 辛溫有毒。體滑性燥。能走能散。能燥。能潤。和胃健。

脾。夫補肝。辛潤。腎除濕。化痰。發表。開鬱。下逆氣。止煩嘔。

發音聲。利水道。燥去濕。故利水。辛通氣。能化液。故潤燥。

救暴卒。葛生日。凡遇五絕之病。用半夏末吹入鼻中。即

死。產活。蓋取其能作嚏也。五絕謂縊死。溺死。壓死。斃

死。治欬逆頭眩。火炎痰。痰厥頭痛。肩稜骨痛。風熱咽

痛。成無已曰。半夏辛散。行水氣而潤腎燥。又局方半硫

燥。誤矣。濕去則土燥。痰涎不生。非二物之性燥也。古方

用治咽痛。喉痺。吐血。下血。非禁劑也。二物亦能散血。故

破傷。撲打。皆主之。惟陰虛勞損。則非濕熱之邪。而用利

白及半夏

左

俗以半
夏專為
除痰而
半夏之
功用不
復見知
于世矣
小柴胡
湯半夏
瀉心湯
皆用半
夏豈為
除痰乎
昂按濕
必得人

乙經用治不眠是果性燥者乎。半夏胸脹。仲景小陷傷寒
夏硫黃等分。生薑糊丸。名半硫丸。胸膈。胸湯用之。傷寒
寒熱。故小柴胡。痰瘧不眠。素問曰。胃不和則臥不安。午
日。陽氣滿。不得入于陰。陰氣虛。故目不得瞑。飲以半夏
湯。陰陽既通。其臥立至。又有喘嗽不得眠者。左不得眠
屬肝脹。宜清肝。右不得眠屬肺脹。宜清肺。反胃吐食。痰
得眠。屬肺脹。宜清肺。反胃吐食。痰散。除痰。瘦多消腫。
止汗。勝孕婦忌之。王好古曰。腎主五液。化為五濕。本經
入脾為痰。痰者。因咳而動。脾之濕也。半夏泄痰之標。不
能泄痰之本。泄本者。泄腎也。欬無形。痰有形。無形則潤
有。形則燥。所以為流。脾濕而潤。腎燥之劑也。俗以半夏
為肺藥。非也。止嘔。為足陽明除痰。為足太陰。柴胡為之
使。故柴胡湯用之。雖云止嘔。亦助柴苓主寒熱往來。是
又為足少陽也。時珍曰。脾無濕。不生痰。故脾為生痰之

方結芻

痰

氣順則

火降而

痰消

源。肺為貯痰之器。按有聲無痰。日嗽益傷于肺。氣有痰無聲。日嗽益動于脾。濕也。有聲有痰。日嗽嗽或因火。因風。因寒。因濕。因虛勞。因食積。宜分疏論治。大法治嗽。當以治痰為先。而治痰又以順氣為主。宜以半夏南星燥其濕。枳殼橘紅利其氣。肺虛加溫。飲之味。肺熱加涼。為之劑。趙繼宗曰。二陳治痰。世醫執之。內有半夏。其性燥烈。若風寒濕食。諸痰則相宜。至于勞痰。失血。諸痰。用之反能燥血。液而加病。按古有三禁。血家汗家渴家忌之。然亦間有。用之者。圓白而大。陳久者良。浸七日。逐日換水。瀝

去涎。切片薑汁拌。性畏生薑。用之以制其毒。得薑而功愈乾。柴胡射干為使。

畏生薑。秦皮龜甲雄黃忌。羊血海藻飴糖惡。皂莢反烏

頭。台陳皮茯苓甘草。名二陳湯。為治痰之總劑。寒痰佐以乾薑芥子。熱痰佐以黃芩栝蒌。濕痰佐以蒼朮茯苓。

苓風痰佐以南星前胡痞痰佐以枳實白朮更
看痰之所在加導引藥惟燥痰非半夏所司也韓飛霞

造麴十法

一薑汁浸造名生薑麴治淺近諸痰一麥水
煮透兼薑糊造名老麴最能把水治清水

痰一煮皂角汁鍊膏和半夏末爲麴或加南星或加麝
香名皂角麴治風痰開經絡一用白芥子等分或三分
之一竹瀝和成畧加麴糊名竹瀝麴治皮裏膜外結核
隱顯之痰一麻油浸半夏三五日炒乾爲末麵糊造成
油以潤燥名麻油麴治虛熱勞嗽之痰一用臘月黃牛
胆汁畧加熟蜜和造名牛胆麴治癰疽風痰一用香附
蒼朮撫芎等分熬膏和半夏末作麴名開鬱麴治鬱痰
一用芒硝居半夏十分之三煮透爲末煎大黃膏和成
名硝黃麴治中風卒厥傷寒宜下由于痰者一用海粉
一兩雄黃一兩半夏二兩爲末煉蜜和造名海粉麴治
積痰沉痼一用黃牛肉煎汁煉膏卽霞天膏和
半夏末爲麴名霞天麴治沉痾痢疾功效最烈以上並

燥濕宣
祛風寒

照造麴法草盒七日待生黃衣晒乾懸掛風處愈久愈良

天南星

味辛而苦能治風散血

是齋方南星防風等分為末治破傷風刀傷撲

傷如神名玉真散破傷風者藥敷瘡口溫酒調下一錢打傷至死童便調灌二錢連進三服必活氣溫

而燥能勝濕除痰性緊而毒能攻積拔腫補肝風虛凡

辛而散者皆能補為肝脾肺三經之藥治驚癇風眩丹

不無癢身強口噤喉痺舌瘡結核疔痕癰毒疥癬蛇至

咬毒調末破結下氣利水墮胎性更烈于半夏與半夏

毒故墮胎。半夏辛而能守。南星辛而不守。然古安胎方中。亦有用半夏者。陰虛燥痰禁用。

根似半夏而大。看如虎掌。故一名虎掌。以礬湯或皂角

汁浸三晝夜。暴用。或酒浸一宿。蒸竹刀切開。至不麻乃

止。或薑渣黃泥和包煨熟用。造麴法與半夏同。造膽星

法。臘月取黃牛胆汁和南星末。納入胆中。風乾。年久者

彌佳。畏附子。乾薑防風。得防風則不麻。火炮則毒性緩。得牛胆則不燥。且胆有益肝胆。

功之

貝母

微寒。苦。瀉心火。辛散肺鬱。

入肺經氣分。心火降則肺氣寧。詩曰。言采其蔕。

言散結
為熱散

肺清火

竈即貝母也。取其解鬱。潤心肺。清虛痰。治虛勞煩熱。咳嗽吐

血咯血。肺痿。肺癰。喉痺。君相火熱。淋瀝。小腸邪熱。

相表裏。肺為。瘦瘤。化。乳閉。產難。功前散。結除熱。傳惡瘡。

氣化之源。

瘦瘤。

化。

乳閉。

產難。

功前散。

結除熱。

傳惡瘡。

唐時有人膊上生瘡如人面。能飲酒食物。亦無他苦。遍

投諸藥。悉受之。至貝母。瘡乃輟。灌之數日。成痂而愈。

歛瘡口。

火降邪散。

瘡口。

自歛。

非貝母性收歛也。

俗以

歛瘡口。

火降邪散。

瘡。半夏溫燥。主脾家濕痰。脫或誤用。貽誤匪淺。故凡風寒濕食諸痰。貝母非所宜也。宜用半夏南星。

產開辦者良。獨顆無辦者不堪用。去心糯米拌炒黃搗。

用厚朴白微為使。畏秦艽反烏頭。

火潤肺滯腸

止血治熱痰

火潤燥治熱

栝樓仁

俗作瓜蒌

甘補肺

本草

寒潤下能清上焦之火使痰

氣下降為治嗽要藥

肺受火逼失下降之令故生痰作嗽

又能蕩滌胸中

鬱熱垢膩生津止渴

丹溪曰消渴神藥

清咽利腸

通大便是齋方焙研酒調

或米飲下治小便不通

通乳消腫治結胸胸痺

仲景小陷胸湯用之又云少陽症口

渴者小柴胡湯以此易半夏

酒黃熱痢二便不通炒香酒服止一切

血寒降

瀉者忌用

實圓長如熟柿于扁多脂去油用

枸杞為使畏牛膝乾漆惡乾薑反烏頭

天花粉

酸能生津甘不傷胃微苦微寒降火潤燥滑痰

痿

解渴。古方多用。生肌排膿消腫行水通經止小便利。膀胱

熱解則水行。治熱狂時疾胃熱疸黃口燥唇乾腫毒發而小便不數。

背乳癰瘡痔脾胃虛寒者禁用。即枯樓根畏惡同澄

粉食大宜虛熱人。

補陽散
結消瘰

夏枯草 辛苦微寒氣稟純陽補肝血緩肝火解內熱散

結氣治癭癰濕痺。目珠夜痛。樓全善曰目珠連日本即目系也夜痛及點苦寒藥

更甚者夜與寒皆陰也。夏枯氣稟純陽補厥陰血脈。故治此如神以陽治陰也。按目白珠屬陽故晝痛點苦寒

藥則効黑珠屬陰故夜痛點苦寒藥反劇。冬至生夏至枯故名用莖葉。

本草 卷之 枯樓花粉夏枯草

海熱吹
堅痰消
痰瘋

海藻

鹹潤下而軟堅。乘行水以泄熱。故消癰瘤。結核。陰

癰之堅聚。

腹病日疝。九病曰癰音顏。

痰飲。脚氣水腫之濕熱。消宿食。

治五隔。

出東海。有大葉馬尾二種。亦作海菜食。洗去

鹹水用。

昂按其用在鹹。以不宜過洗。

反甘草。

東垣治癰癰馬九海藻甘草並用。蓋激之以潰。

也。堅

海帶

下水消癰。功同海藻。

似海藻而粗柔。韌而長。

昆布

功同海藻而少滑性雄。治水腫癰瘤。陰癰。隔噎。

合

汁。噉

出登萊者。搓如繩索。出閩越者。大葉如菜。洗去鹹

宜搜風
去濕

味用

獨活 辛苦微溫氣緩善搜入足少陰氣分腎以理伏風

治本經傷風頭痛頭運目眩宜與細辛同用風熱齒痛文辭公藥準用

獨活地黃等分為末母服三錢痙癰濕痺項背強直手足反張曰痙濕

濕故二活兼能去濕奔豚疝瘕腎積曰奔豚風寒濕客干腎家所致瘕疝亦然有風不

動無風反搖又名獨搖草故治風本經云獨活一名羌活

古方惟用獨活後人云是一類二種遂分用以形虛大

有曰如鬼眼節踈色黃者為獨活色紫節密氣猛烈者

為羌活並出蜀漢又云自西羌來者名羌活故又名胡土使者今

採諸家所分經絡主

治各註以便施用

羌活 辛苦性溫氣雄而散味薄上升入足太陽膀胱以理

遊風兼入足少陰厥陰氣分肝腎瀉肝氣搜肝風小無不

入大無不通治風濕相搏本經頭痛同川芎治太陽少陰頭痛凡頭痛多

用風藥者以巔頂之上督脈為病脊強而厥督脈並剛瘕太陽經剛瘕

柔瘕脊強而厥即瘕症也傷寒無汗為剛瘕傷風有汗為柔瘕亦有血虛發瘕者大約風症宜二活血虛

忌中風不語按古人治中風多主外感率用續命愈風用諸湯以發表用三化湯麻仁丸以攻裏至

真中定重手類

宣搜風發表勝

中為白
類中既
內傷
真中卑
為外感
乎河間
東垣皆
北人安
能盡舍
北人而
端治南
病乎
宣發表
去風勝
濕

河間出始云中風非外來之風良由心火暴甚腎水虛
衰東垣則以為本氣自病丹溪以為濕生痰痰生熱熱
生風世人復分北方風勁質厚為真中南方地卑質弱
為類中不思岐伯云中風大法有四一偏枯半身不遂
也二風痹四肢不收也三風癱奄忽不知人也四風痺
諸風類痺狀也風症盡矣何嘗有真中類中之說乎此
症皆由氣血虧虛醫者不知養血益氣以固本頭旋目
徒用烏附羌獨以驅厥命曰虛虛誤人多矣

赤目赤
要藥散肌表八風之邪利周身百節之痛為却亂反

正之主藥若血虛頭痛遍身痛者此屬二活並禁用

防風 辛甘微溫升浮為陽搜肝瀉肺散頭目滯氣經絡

留濕主上部見血用之為使上焦風邪頭痛目眩脊痛

亦能治崩
上焦風邪頭痛目眩脊痛
羌獨
羌獨

宣去風
疾是

頃強。周身盡痛。太陽經症。勝脫徐之才曰得又行脾胃

二經。為去風勝濕之要藥。凡風藥皆能勝濕。東垣曰。卒

風藥中潤劑。若補脾胃。非此引用不能行。散目赤。瘡瘍。若血虛。痙急。頭痛不

因風寒。內傷泄瀉。不因寒濕。火升發嗽。陰虛盜汗。陽虛

自汗者。並禁用。同黃耆芍藥。又能實表止汗。合黃耆白

而功益大。取其相畏而相使也。黃潤者良。上部用身下部用稍畏葦

薛惡乾。薑白。斂芫花。殺附子毒。

藁本 辛溫雄壯。為太陽經風藥。勝寒鬱本經頭痛連腦

輕宣解
肌升陽
散火

者必用之

凡顛頂痛宜藁本
防風酒炒升柴

治督脉爲病脊強而厥

督脉

並太陽
經貫脊

又能下行去濕治婦人疝瘕陰寒腫痛腹中急

痛皆太陽

胃風泄瀉

夏英公病泄醫以虛治不効霍翁
曰此風客于胃也飲以藁本湯而

愈蓋藁本能
除風濕耳

粉刺汨龔

音查和自芷
作面脂良

根紫色似芍藥

而輕虛氣香味麻

葛根 辛甘性平輕揚升發入陽明經能鼓胃氣上行生

津止渴

風藥多燥葛根獨能止渴者
以能升胃氣入肺而生津耳

兼入脾經開腠發

汗解肌退熱

脾主
肌肉

爲治脾胃虛弱泄瀉之聖藥

經曰毒
氣在下

則生殄泄葛根療傷寒中風陽明頭痛張元素曰頭痛如破乃陽明中

風可用葛根蔥白湯若太陽初病未入陽明而頭痛者不可便服升葛湯發之反引邪氣入陽明也仲景治太

陽陽明合病桂枝湯加葛根麻黃又有葛根黃芩芍藥連解肌湯是用以斷太陽入陽明之路非太陽藥也血

痢溫瘧并溪曰凡治瘧無汗要汗散邪為主帶補有汗要無汗扶正為主帶散若陽瘧有汗加參耆

白朮以斂之無汗加腸風痘疹能發痘疹并溪曰凡斑疹已見紅點不可更服

升葛湯恐表虛又能起陰氣散鬱火解酒毒葛花利二

便殺百藥毒多用反傷胃氣升散太過生葛汁大寒解溫

病大熱吐衄諸血

輕宜升
陽解毒

升麻

其辛微苦足陽明太陰引經藥

胃脾參耆上行須此引之亦入

手陽明太陰

大腸肺

表散風邪

引蔥白散手陽明風邪同葛根能發陽明之汗引石

膏止陽明頭痛齒痛

升發火鬱能升陽氣于至陰之下引其溫之

藥上行以補衛氣之散而實其表

柴胡引少陽清氣上行升麻引陽明清氣

上行故補中湯用為佐使若下元虛者用此升之則下元愈虛又當慎用

治時氣毒癘頭痛

陽明頭痛

寒熱肺痿吐膿下痢後重

後重者氣滯也氣滯于中必上行而

後能下降有病大小便秘者用通利藥而罔効重加升麻而反通丹溪曰氣升則水自降經曰地氣上為雲天氣下為雨天地不交則萬物不通也久泄經曰清氣在脫肛崩中帶下能

帶脉之足寒陰痿目赤口瘡痘瘡升葛湯初發熱時可用痘出後氣弱或泄

瀉者可少用否則見斑之斑疹成采如錦紋者為斑隱見紅點者為疹蓋胃

熱失下衝入少陽則助相火而成風熱瘡癰解百藥毒

斑衝入少陰則助君火而成疹

吐蠱毒殺精鬼性陽氣升陰虛火動者忌用朱肱活人

入裏吐衄血者犀角地黃湯乃陽明聖藥如無犀角代

以升麻二藥性味相遠何以為代蓋以升麻能引諸藥

同入陽明也朱二允曰升麻性升犀角性降用犀角止

血乃借其下降之氣清心肝之火使血下行歸經耳倘

誤用升麻血隨氣升不愈陽

出不止乎古方未可盡泥也

裏白外黑緊實者良名

鬼臉升麻去鬚蘆用或有參耆補劑須用升柴而又恐其大升發者升麻柴胡並用蜜水

宣發表祛風散
濕。吉老名
介治王
定國病
時在都
樂因以
名在。

炒之別有一種綠升麻。仲醇用治滯下。每有驗。

白芷 辛散風溫除濕。芳香通竅而表汗。行手足陽明。大

胃。入手太陰。肺色白味辛。故入肺。而為陽明主藥。陽明之脉營于

疾。治陽明頭目昏痛。楊吉老方。白芷湯泡四五遍。蜜丸。

點臘茶。眉稜骨痛。風熱與痰同酒浸。黃芩為末。茶下。牙痛。上齦屬足陽

陽明。二鼻淵。肺主鼻。風熱乘肺。上燥于腦。故鼻多濁涕。經風熱。鼻淵。而淵經曰腦。滲為涕。宜同細辛辛夷治之。

目癢淚出面疔。干去聲。癰疽。可作。皮膚燥癢。三經風熱。

之病。及血崩。血閉。腸風。痔瘻。癰疽。瘡瘍。三經濕熱之病。

魚尾目
之上角

宜散風
濕補肝
潤腎

活血排膿。腸有敗膿血淋露腥穢。生肌止痛。解砒毒。蛇

傷。先以繩扎傷處。酒調下白芷末五錢。種白芷能辟蛇。又治產後傷風。血虛頭痛。

自魚尾上攻。多任日晚宜四物加辛芷。如氣虛頭痛。多

在清晨宜芎藭倍參耆。保壽堂治正偏頭痛。白芷川芎

各三錢。搽牛腦上加酒頓熟。熱食盡醉。其病如失。然其性升散。血熱有虛火者

禁用。色白氣香者佳。或微炒用。當歸為使。惡旋覆花。

細辛。辛溫散風邪。故諸風痺痛。欬嗽上氣。頭痛脊強者。

宜之。治少陰頭痛。獨活為使。辛散浮熱。故口瘡喉痺。少陰火。鼻淵齒

齲者。虫蝕膿爛。宜之。辛益肝胆。故胆虛驚癇。風眼淚下者。宜

之水停心下則腎燥細辛之辛能行水氣以潤之。腎心

亦躁火。屈于水。故躁也。經曰。腎苦燥。急食辛以潤之。雖手少陰引經心。乃足少陰

本藥。腎能通精氣利九竅。故耳聾鼻鼈。音甕。鼻塞不聞。香臭也。風寒入

腦。故氣不宜通。寒宜表。熱倒噦。便瀉者宜之。散結溫經。

宜清有瘕肉者為末吹鼻。破痰下乳。行血發汗。能發少陰之汗。仲景治少陰症。反

寒之然味厚性烈不可過用。不可過一錢多則氣不通。悶絕而死。雖死無傷可驗。

開平獄嘗治此不可不知。味極辛。產華陰者真。杜蘅。鬼督郵。徐揀

去雙葉者用。惡黃耆山茱。畏硝石滑石。反藜蘆。

柴胡 苦平微寒味薄氣升為陽主陽氣下陷能引清氣
上行而平少陽厥陰之邪熱肝。胆。心。包。三焦。相火。時珍
陰黃連宣暢氣血散結調經昂按人第知柴胡能發表
為佐而不知柴胡最能和聚故
勞藥血藥為足少陽胆。表。藥。其經在半表半裏法當和
往往用之解小柴胡湯之屬是也若病在太陽服之太早則引賊
入門若病入陰經復服柴胡則重虛其表最宜詳慎

治傷寒邪熱

仲景有大小柴胡等湯

痰熱結實虛勞肌熱

冠宗真日柴胡

本經並無一字治勞藥性論曰華子皆言補勞傷醫家
執而用之貽誤無窮時珍曰勞有五若勞在肝胆心
包有熱則柴胡乃手足厥陰少陽必用之藥勞在脾胃
有熱或陽氣下陷則柴胡為升清退熱必用之藥惟勞

在肺腎者不可用耳。寇氏一藥攪兵殊非通論。昂按楊氏秦尤扶羸湯治肺痿成勞咳嗽聲嘶體虛自汗用柴胡爲君則肺勞嘔吐心煩邪在半表半裏則多嘔吐諸瘧寒熱東垣亦有用之者矣。瘧以柴胡爲君佐以引經之藥李士材曰瘧非少陽經慎用喻嘉言曰瘧發必有寒有熱益外邪伏于半表半裏適在少陽所主之界入與陰爭陽勝則熱出與陽爭陰勝則寒卽純熱無寒爲瘧瘧溫瘧純寒無熱爲牝瘧要皆自少陽而造其極偏補偏救藥亦必從還少陽之界使陰陽協和而後愈也謂少陽而兼他經則有之謂他經而不涉少陽則不成其爲瘧矣。脉縱屢遷而弦之一字實貫徹之也昂按瘧之不離少陽猶欬之不離于肺也。談藪云張知閣久病瘧熱時如火年餘骨立醫用芩附諸藥熱益甚孫琳投以小柴胡湯三服脫然琳曰此名勞瘧熱從髓出加以剛劑氣血愈虧熱有在皮膚在藏府在骨髓在骨髓者非柴胡不可若得銀柴胡

須一服。南方者力減。故三服乃効也。時珍曰。觀此。則得

用藥之妙矣。昂按。據孫氏之說。是柴胡亦能退骨蒸

也。頭眩目赤。胸痞脇痛。凡脇痛多是肝木有餘。宜小柴

胡湯加青皮川芎白芍。又左脇

痛。宜活血行氣。右脇痛。宜消食行痰。口苦耳聾。皆肝胆

之邪。婦人熱入血室。衝

血海。卽血室也。男女皆有之。胎前產後諸熱。小兒痘疹。

柴胡在藏。主血在經。主氣。胎前產後諸熱。小兒痘疹。

五疳癰熱。散十二經瘡疽。血凝氣聚。功同連翹。連翹治

胡治氣熱。陰虛火炎氣升者禁用。銀州者根長尺餘。

爲少異。微白。治勞瘵良。北產者如前胡而軟。並良。南產者強硬。

不堪用。外感生用。內傷升氣。酒炒用。根中及下降用。稍。

宣解表
治風痰
治下氣

有汗欬者。蜜水炒。前胡半夏為使。惡皂角。

前胡 辛以暢肺。解風寒。耳以悅脾。理胸腹。苦泄厥陰。肝

之熱。寒散太陽。膀胱之邪。微寒一性陰而降。功肅下氣。氣

下則火降而痰消。氣有餘便是火。火則生痰。能除實熱。治痰熱哮喘。

咳嗽嘔逆。痞隔霍亂。小兒疳氣。有推陳致新之績。明目

安胎。無外感者忌用。按柴胡前胡均是風藥。但柴胡性升。前胡性降。為不同。肝胆經風痰。

非前胡不能除。皮白肉黑。味甘氣香者良。半夏為使。惡皂角。

忌火。

麻黃

辛溫微苦

僧繼洪云中牟產麻黃地冬不積雪性熱故過服泄真氣

入足太陽

勝

兼走手少陰陽明

心大腸

而為肺家藥發汗解肌去

營中寒邪衛中風熱調血脈通九竅開毛孔治中風傷

寒

中猶傷也

頭痛溫瘧咳逆上氣

風寒鬱于肺經曰痰哮諸氣膈鬱皆屬于肺

氣喘

哮喘宜瀉肺氣雖用麻黃而不出汗本草未載

赤黑斑

表虛不得再汗

非便閉亦不可下只宜清解其熱

毒風癰痺皮肉不仁目赤腫痛水腫

風腫過劑則汗多亡陽夏月禁用

汗者心之液過汗則心血為之動搖乃驍

悍之劑升散以人參麻黃同用亦攻補法也東垣曰十劑曰輕可去實葛根麻黃之屬是也邪客皮毛腠理閉

諸家皆以麻黃桂枝爲肺經藥謂傷寒傳足不傳手者誤也

拒營衛不行故謂之實二藥輕清故可去之時珍曰麻黃太陽經藥兼入肺經肺主皮毛葛根陽明經藥兼入脾經脾主肌肉二藥皆輕揚發散而所入不同王好古曰麻黃治衛實桂枝治衛虛雖皆太陽經藥其實營衛藥也心主營爲血肺主衛爲氣故麻黃爲手太陰肺之劑桂枝爲手少陰心之劑時珍曰仲景治傷寒無汗用麻黃有汗用桂枝未有究其精微者津液爲汗汗卽血也在營則爲血在衛則爲汗寒傷營營血內滯不能外通于衛衛氣閉固津液不行故無汗發熱而惡寒風傷衛衛氣外泄不能內護于營營氣虛弱津液不固故有汗發熱而惡風然風寒皆由皮毛而入皮毛肺之合也蓋皮毛外閉則邪熱內攻故用麻黃甘草同桂枝引出營分之邪達之肌表佐以杏仁泄肺而利氣汗後無大熱而喘者加石膏活人書夏至後加石膏知母皆泄肺火之藥是麻黃湯雖太陽發汗重劑實散肺經火鬱之藥腠理不密則津液外泄而肺氣虛虛則補其母故用

桂能平肝

桂枝同甘草外散風邪以救表內伐肝木以防脾佐以芍藥泄木而固脾使以薑棗行脾之津液而和營衛下後微喘者加厚朴杏仁以利肺氣也汗後脉沉遲者加人參以益肺氣也活人書加黃芩為陽旦湯以瀉肺熱也是桂枝湯雖太陽解肌輕劑實為理脾救肺之藥也

發汗用莖去節煮十餘

沸掠去浮沫或用醋湯畧泡晒乾備用亦有用蜜炒者

庶免止汗用根節

無時出汗為自汗屬陽虛夢中出汗為盜汗屬陰虛用麻黃根蛤粉粟米

等分為末袋盛撲之佳時珍曰麻黃發汗駛不能禦根節止汗效如影響物理不可測如此自汗有風濕傷風風溫氣虛血虛脾虛陰虛胃熱痰飲中暑亡陽柔痙等症皆可加用蓋其性能行周身肌表引諸藥至衛分而固腠理○汗雖為心液然五藏亦各有汗經曰飲食飽甚汗出于胃驚而奪精汗出于心持重遠行汗出于腎

輕宣發
表結風
理血

疾走恐懼汗出于肝。厚朴白微為使。惡辛夷石膏。

荊芥

一名假蘇

辛苦而溫。芳香而散。入肝經氣分。兼行血分。

其性升浮。能發汗。

又云。止冷汗。虛汗。

散風濕。清頭目。利咽喉。治

傷寒頭痛。中風口噤。身強項直。口面喎邪。目中黑花。其

氣溫散。能助脾胃消食。

氣香入脾。

通利血脈。治吐衄。腸風。崩中。

血痢。產風血運。

產後去血過多。腹內空虛。則自生風。故

最能散血。中之風。華佗愈風散。用荊芥三錢。微焙為末。豆淋酒調服。或童便服。諸家云甚效。療癰瘡腫。

清熱散瘀。破結解毒。

結散熱清。則血涼而毒能。

為風病血病瘡家聖。

輕宜散
結滯火

本草卷五

卷一

三

藥。荆芥功本治風。又兼治血者。以其人風木之藏。即是

若防風能入骨肉也。連穗用。穗在于巔。治血炒黑用。凡血藥用

地榆。櫻櫚。五靈脂等。皆應炒黑者。以黑勝紅也。反魚鱗。河豚。驢肉。

連翹。微寒。升浮。形似心。實似蓮。苦入心。故入手少陰厥

陰。包。心。氣分而瀉火。兼除手足少陽。三焦。手陽明經。大

氣分濕熱。散諸經血凝氣聚。營氣壅遏。衛氣利水通經。

殺虫止痛消腫排膿。皆統者散之。凡腫而痛者為實邪。腫而不痛為虛邪。腫而赤者為熱。

熱腫而不痛。為留氣停滯。為十二經瘡家聖藥。經曰諸瘡痛。瘡皆屬心火。

宣發表
散寒

紫蘓 味辛入氣分。色紫入血分。香溫散寒。通心利肺。開

胃益脾。氣香入脾。發汗解肌。和血下氣。寬中消痰。祛風定喘。

止痛安胎。利大小腸。解魚蟹毒。多服泄人真氣。時珍曰。同陳皮。

砂仁。行氣安胎。同藿香。烏藥。溫中止痛。同杏仁。附麻黃。發

汗解肌。同芍藥。當歸。和血散血。同桔梗。枳殼。利膈寬腸。

同薤白。杏仁。消痰定喘。同木瓜。氣香者良。宜橘皮。忌

厚朴。散濕解暑。治霍亂脚氣。

鯉魚 蘓子與葉同功。潤心肺。尤能下氣。定喘。止嗽。消

痰。利膈。寬腸。溫中開鬱。有蘓子。梗下氣稍緩。虛者宜之。

葉發汗散寒。梗順氣安胎。子降氣開鬱。消痰定喘。表弱氣虛者。忌用。葉腸滑氣虛者。忌用子。炒研用。

輕宣散
風熱

薄荷

辛能散涼能清

本經溫蓋能溫而用涼也

升浮能發汗搜肝氣

而抑肺盛消散風熱清利頭目治頭痛頭風中風失音

痰嗽口氣語澀舌胎

含眼耳咽喉口齒諸病

辛香通竅而散風熱

皮膚癰癤瘰癧瘡疥驚熱

凡小兒治驚藥俱宜薄荷湯調

骨蒸破血止

痢能治血痢血痢病在凝滯辛能散涼能清

虛人不宜多服

能發汗陳長夏月多服泄人元

氣

蘓產氣芳者良

薄荷猶之酒也夫虎之酒也蜈蚣雞之酒也桑椹鳩之酒也蘭草魚

蘇亦作

之酒也食之皆醉被猶傷者薄荷汁塗之

輕宣散
熱理血

雞蘓

一名水蘓一名龍腦薄荷

辛而微溫清肺下氣理血辟惡而消

輕發汗
退目翳

輕發汗
利濕

穀治頭風。目眩。肺痿。血刺吐衄。崩淋。喉腥。口臭。邪熱諸

病。局方有龍
腦雞燕丸

方莖中虛。似蕪菜而微長。密齒面皺。氣

甚辛烈。

木賊。溫微甘苦。中空輕揚。與麻黃同形性。亦能發汗解

肌。升散火鬱。風濕入足。厥陰少陽血分。益肝膽。治目疾。

退翳膜。

翳乃肝邪鬱遏
不能上通于目

及疔痛。脫肛。腸風。痔瘻。赤痢。崩

中諸血病。

浮萍

辛散輕浮。入肺經。達皮膚。能發揚邪汗。

并溪曰浮
萍發汗甚

本草綱目

卷十

雜藥類

毒

于麻 止癢癢消渴搗汁服 生于木又能下水氣利小便治

一切風濕癰瘕浮萍一味蜜九酒服治三十六種風濃煮汁浴治惡疾瘡癰遍身燒爛

辟蚊 紫背者良

輕發汗散風濕

蒼耳子 一名葉耳 卽詩卷耳 甘苦性溫善發汗散風濕上通腦頂

下行足膝外達皮膚治頭痛目暗齒痛鼻淵肢攣痺痛

療癰瘡疥采根葉熬名萬應膏 遍身癢癢作浴湯佳 去刺酒拌蒸忌

猪肉聖惠方云葉搗汁治產後痢

宣祛風

天麻 辛溫入肝經氣分益氣強陰通血脈強筋力疎痰

氣治諸風眩掉頭旋眼黑語言不遂風濕痛音痺小兒

驚癇

諸風眩掉皆屬肝木肝病不能榮筋故見前症天麻入厥陰而治諸疾肝氣和平諸疾自瘳血

液衰少及類中風者忌用

風藥能燥血故也昂按風藥中須兼養血藥制其燥也養

血藥或兼搜風藥宜其滯也古云治風先治血血行風自滅

根類黃瓜莖名赤箭

有風不動無風反搖一名定風草明亮堅實者佳濕紙

包煨熟切片酒浸一宿焙用

宣去風濕

秦艽

苦燥濕辛散風去腸胃之熱益肝膽之氣養血藥

筋

風藥中潤劑治風寒濕痺經日風寒濕三氣雜至散藥中補劑而為痺風勝為行痺

草 天麻 秦艽

為痛痺。濕勝為着痺。痺在于骨則體重。在脉則血澀。在筋則拘攣。在肉則不仁。在皮則寒。通身

血不虛勞骨蒸。時珍曰。手足陽明經藥。兼入肝胆。陽

熱骨蒸。聖惠方治急勞煩熱。秦艽柴胡各一兩。甘草五錢。為末。每服三錢。治小兒骨蒸潮熱。食減瘦弱。秦艽炙

甘草各一兩。每服一二錢。錢乙加薄荷五錢。疸黃。酒毒。腸風瀉血。口噤。牙痛。

齒下齙。手陽明大腸經張潔古。濕勝風淫之症。利大日。秦艽能去下牙痛。及本經風濕。

小便。牛乳點服。兼治黃疸。煩渴。便赤。形作羅紋相交。長大黃白。左紋

者良。菖蒲為使。畏牛乳。

稀莖草 苦辛。生寒。熱溫。治肝腎風氣。四肢麻痺。筋骨冷

痛腰膝無力。風濕瘡瘍。若痺痛由脾腎兩虛。陰血不足。

不由風濕而得者。忌服。風藥能燥血。江東人呼猪為豨。其

草似猪。發臭。故名。唐成訥有進豨莢表。宋張詠進豨莢表云。其草金稜銀線。素莖紫莢。對節

而生。頗同蒼耳。臣喫百服。眼目清明。卽以五月五日。六

至干服。鬚髮烏黑。筋力輕健。効驗多端。

月六日。七月七日。九月九日。採者尤佳。去粗莖。留枝葉。

花實。酒拌。蒸晒九次。蜜丸。甚益元氣。豨莢辛苦氣寒。故必蒸晒九次。加以

酒蜜。則苦寒之陰濁盡去。而清香之美味見矣。數搗。

熬膏。以甘草生地煎膏。煉蜜。三味收之。酒調服。尤妙。

宣行氣
祛風

威靈仙

辛泄氣鹹泄水

本草苦
元素甘

氣溫屬木其性善走

宣踈五藏通行十二經絡治中風頭風痛風頑痺

濕
流

肢節之問腫屬濕痛屬熱汗多屬風麻屬氣虛木屬痰
痰死血十指麻木亦是胃中有濕痰死血脾主四肢痰
也痛風當分新久新痛屬寒宜辛溫藥久痛屬熱宜清
涼藥河間所謂暴病非熱久病非寒是也大法宜順氣
清痰搜風散濕養血去瘀為要威靈仙傳曰一人手足
不遂數十年遇新羅僧曰得一藥可治入山求之乃威
靈仙也服
之而愈癥瘕積聚痰水宿膿黃疸浮腫大小腸秘風

濕痰氣一切冷痛性極快利積疴不痊者服之有捷効

然踈泄真氣弱者嫌用和砂仁砂糖醋煎治諸骨哽

根叢鬚數百條。長者二尺餘。色深黑。俗名鐵腳威靈仙。

忌茗麵湯。

去風
熱定驚

釣藤鈎 甘微苦寒。除心熱。平肝風。治大人頭旋。目眩。小

兒驚啼。癱瘓。音熾。縱筋急而縮為癱。筋緩而弛為瘓。客

忤。胎風。發斑疹。主肝風。相火之病。風靜火息。則諸症自

除。相火散行于胆。三焦心包。有刺類釣鈎。簾細多鈎者良。純用鈎

倍。久煎則無力。

去風
濕

茵芋 辛苦微溫。有小毒。治風濕拘攣痺痛。時珍曰。古方

本草綱目 卷一 威靈仙釣藤鈎茵芋

莽草即

苳草自

固

補血
燥滑

芋丸治風痺有苳芋酒治產後風有苳芋膏風濕諸
多用之苳芋石南莽草皆治風妙品近世罕知莽草
溫有毒治頭風癰腫乳癰疝瘕癰頰日古方風濕諸
多用之今人取葉煎湯熱含治牙疳喉痺甚効甄權
不入
莖赤葉如石榴而短厚莖葉灸用

當歸

甘溫和血辛溫散內寒苦溫助心散內寒諸血屬

脈者必先補心入心肝脾心生血肝藏為血中氣藥治
當歸苦溫助心入心肝脾血脾統血

虛勞寒熱欬逆土氣血和則溫瘧肝邪癖痢便血頭痛
氣降

腰痛心腹諸痛散寒風瘕無汗瘕音擊上聲身強項直
和血角弓反張曰瘕無汗為

剛瘕有汗為柔瘕當歸辛散風溫和血產後亦痿痺瘕
有發瘕者以脫血無以養筋也宜十全大補湯

癰。筋骨緩縱。足不任地。曰癰。風寒濕客于肌肉血脉。曰癰。血凝氣聚。按之堅硬。曰癰。雖堅硬而聚散無常。曰癰。尚未癰疽瘡瘍。衝脉為病。氣逆裏急。帶脉為病。腹痛至癰也。

腰溶溶如坐水中。

衝脉起于腎下。出于氣街。俠臍上行。至胸中。上頰額。滲諸陽。灌諸精。下行。

人足滲三陰。灌諸絡。為十二經脉之海。及婦人諸不足。主血。帶脉橫圍于腰。如束帶。總約諸脉。

一切血症。陰虛而陽無所附者。潤腸胃。澤皮膚。養血生。

肌。血旺則肉長。

排膿止痛。

血和則痛止。

然滑大腸瀉者忌用。

當歸為君。

白芍為臣。地黃為佐。芍藥為使。名四物湯。治血之總。血虛佐以人參黃耆。血熱佐以條芩梔連。血積佐以黃牽牛。昂按血屬陰。四物能養陰。陰得其養。則血自非四物能生血也。若氣虛血弱之人。當用人參取。

生陰血之義多有過服四
物陰滯之藥而反致害者
使氣血各有所歸故名

能通血虛能補血枯能潤血亂能撫蓋其辛溫能行
分使氣調而血和也東垣曰頭止血而上行身養血
中守尾破血而下流全活血而不走雷斅海藏並云頭
破血時珍曰治上用頭治中用身治下用尾通治全用
一定之理也川產力剛善攻秦產力柔善補以秦產頭圓尾

多肥潤氣香者良名馬尾當歸尾粗堅枯者名錢頭當

歸只宜發散用治血酒製有痰薑製昂按當歸非治痰藥薑製亦臆說耳

畏菖蒲海藻生薑惡濕麵

芎藭 辛溫升浮為少陽引經入手足厥陰氣分心包

乃血中氣藥助清陽而開諸鬱乃溪曰氣升則鬱自解為通陰陽血氣之使

潤肝燥補肝虛肝以瀉為補所謂辛以散之辛以補之上行頭目下行血

海衝脈搜風散瘀止痛調經治風濕在頭血虛頭痛能引

行頭痛必用之加各引經藥太陽羌活陽明白芷少陽柴胡太陰蒼木少陰細辛厥陰吳茱萸丹溪曰諸經氣

鬱亦能腹痛脇風氣鬱血鬱濕瀉血痢寒痺筋攣目淚頭痛

多涕肝熱風木為病諸風眩掉皆屬肝木及癰疽瘡瘍癰從火府生疽從五臟生

皆陰陽相滯而成氣為陽血為陰血行脉中氣行脉外相並周流寒濕搏之則凝滯而行遲為不及火熱

則流騰而行為太過氣鬱邪入血中為陰滯于血中為陽滯于血中致生惡毒然百病皆由

也。芎歸能和血。男婦一切血症。然香竄辛散。能走泄。行氣而通陰陽。

氣。單服久服。令人暴亡。

單服則藏有偏勝。久服則過生邪。故有此失。若有配合。則無害。

則不至此矣。昂按芎地酸寒為陰。芎歸辛溫為陽。故四物取其相濟。以行血藥之滯耳。川芎辛散。豈能生血者乎。治法云。驗胎法。婦人過經三月。用川芎末。空心熱湯調一匙服。腹中微動者是胎。不動者是經閉。

蜀

產為川芎。秦產為西芎。江南為撫芎。以川產大塊。裏白

不油。辛甘者勝。白芷為使。畏黃連。硝石。滑石。惡黃耆。山

茱萸。

白芎

苦酸微寒。入肝脾血分。為手足太陰行經藥。

肺瀉。

陰

天民又
曰白芍
止治血
虛腹痛
餘宿不
治以其
酸寒收
斂無溫

肝火。酸斂肝。肝以斂。安脾肺。固腠理。肺主皮毛。脾主肌

脾安。土旺能生金。則肺和。血脉收。陰氣斂。逆氣散。

安。脾和。肺安。則腠理固。和血脉。收陰氣。斂逆氣。散

惡血。利小便。斂陰生津。小便自緩。中止痛。東垣曰。經日

其中。即益氣除煩。斂汗安胎。補勞退熱。治瀉痢後重。除

調血也。益氣除煩。斂汗安胎。補勞退熱。治瀉痢後重。除

胃中。濕熱。脾虛腹痛。瀉痢俱太陰病。不可缺此。寒瀉冷痛忌

氣。古方治腹痛。用白芍四錢。甘草二錢。名芍藥甘草湯。

蓋腹痛因榮氣不從逆于肉裏。白芍能行榮氣。甘草能

斂逆氣。又痛為肝木尅。心痞脇痛。脇者肝胆二經往來

脾土。白芍能伐肝故也。心痞。脇痛。之達其火上冲。

腕痛。橫行則兩脇痛。肺脹喘噫。同癰腫疝瘕。其收斂

白芍能理中瀉肝。肺脹喘噫。同癰腫疝瘕。其收斂

白芍能理中瀉肝。肺脹喘噫。同癰腫疝瘕。其收斂

白芍

散之功也。

體又能入血海。

衝脉為血海。男女皆有之。

而至厥陰。

肝治鼻衄。

音女。六切。

目濇。肝血不足。

退火益陰。肝血自足。

婦人胎產及一切血。

又曰產後忌用。

丹溪曰以其酸寒伐生發之氣也。必不得已虛不可更瀉也。寇氏曰減芍藥以避中寒。微寒如芍藥。古人猶諄諄告戒。况大苦大寒。可肆行而莫之忌耶。

同白朮。補脾。同參耆。補氣同歸地。補血同芍藥。瀉肝。同甘草。止腹痛。同黃連。止瀉痢。同防風。發痘疹。同薑棗。

溫經散濕。

赤芍藥主治畧同。尤能瀉肝火。散惡血。治腹痛。

堅積。血痺。疝瘕。

邪聚外腎為疝。腹內為瘕。

經閉。腸風。癰腫。目赤。

皆散瀉之

功。白補而收。赤散而瀉。白益脾。能于土中瀉水。赤散邪。

大瀉火。

能行血中之滯產後俱忌用。赤白各隨花色。單瓣者

入藥酒炒用。制其寒。婦人血分醋炒。下痢後重不炒。惡芒

硝石斛畏鱉甲小蘗反藜蘆。

生地黄 甘苦大寒。入心腎瀉丙火。小腸為丙火。心與小腸相表裏。導赤散與

水通。清燥金。胃大。消瘀通經。平諸血逆。治吐衄。崩中。血

者。血隨唾出。咯血者。隨痰咯出。或帶血絲。出腎經及肺

經。自兩脇逆上。吐出者。屬肝經。衄血者。血溢于腦。從鼻

而出。咳血者。咳出痰內有血。並屬肺經。吐出嘔出。成

成碗者。屬胃經。經漏不止。曰崩。血熱則妄行。宜以此

之。虛人忌用。用傷寒陽強。痘症大熱。多。本草未載。多

乾地黄可也。

血。補。涼。

損胃。生掘鮮者。搗汁飲之。或用酒製。則不傷胃。生則寒。乾則涼。熟則溫。故分為三條。以便施用。

乾地黄。其苦而寒。沉陰而降。入手足少陰。心。厥陰。肝。心包。

及手太陽經。小腸。滋陰退陽。涼血生血。治血虛發熱。經日。

生內。勞傷咳嗽。咳嗽陰虛者。地黄九為要藥。亦能除痰。熱。丹溪曰。久病陰火上升。津液生痰。不生。

血。宜補血以制。痿痺驚悸。有觸而心動。日驚。無驚而自。相火其痰自除。動日悸。即怔忡也。有因心虛。

火動者。有因肝虛。胆怯者。有因水停。心下者。火畏水。故悸也。地黄能交心腎。而益肝胆。亦能行水。故治之。吐。

衄。尿血。痛為血淋。不痛為尿血。由心腎氣結。或憂。血運。思房勞所致。多屬虛寒。不可論作熱治。

筋中。

經曰陰虛陽搏謂之筋。

足下熱痛折跌絕筋。

生地一斤。瓜蒌一升。生薑四

兩。炒熱。菴傷折處。冷則易之。又生地汁三升。酒升半煮服。下撲損瘀血。

填骨髓。畏肌肉利。

大小便調。經安胎。又能殺虫。治心腹急痛。

海上方。搗汁和麵作餅。能

食。能利出虫。忌用鹽。本草匯曰。丹溪云。氣病補血。雖不中病。亦無害也。不知血藥屬陰。其性凝滯。若胃虛氣弱之人。過服歸地等劑。反致痞悶。飲食減少。變症百出。至死不悟。豈不惜哉。大抵血虛固不可補。其氣而氣虛亦不可徒補其血也。凡勞病陽虛。宜四君補氣。陰虛宜四物補血。陰陽俱虛者。宜合用。名八珍湯。

江

漸生者。南方陽氣力微。北方生者。純陰力大。以懷

大菊花心者。良酒製。則上行外行。薑製。則不泥。屬

平補肝
腎黃血

母畏蕪黃忌萊菔蔥蒜銅鐵器得酒門冬丹皮當歸

熟地黃

甘而微溫入手足少陰厥陰經滋腎水補

填骨髓生精血聰耳明目

耳為腎竅目為肝竅目得血而能視耳得血而能聽

髮烏髭治勞傷風痺胎產百病為補血之上劑

丹溪曰

清熱養血為主產後宜大補氣血為主雖有雜症從未

治之昂按丹溪產後大補氣血一語誠至當不易之論

後人不善用之多有風寒未解瘀血未盡妄施峻補反

致大害者不可不察王碩云男子多陰虛宜熟地女子

多血熱

以好酒拌砂仁末浸蒸晒九次用

地黃性寒

宜生地

與酒則溫性泥得砂仁則利氣且能引入丹田六味丸

用之為君尺脉弱者加桂附所謂益火之原以消陰翳

平補那
腎極精

也。尺脉旺者。加知柏。所謂
壯水之主。以制陽光也。

何首烏

苦堅。腎溫。補肝。甘益。血清。收斂。精氣。添精益髓。

養血祛風。

治風先治血。血活則風散。

強筋骨。烏髭髮。

故名。令人有子。

為滋補良藥。氣血太和。則勞瘦風虛。崩帶瘡痔。癰癤癰。

腫諸病。自巳。

營血調。則癰腫消。赤者。外科呼為瘡蒂。

止惡瘡。

益陰補肝。瘡疾要藥。而本。

草不言治瘡。時珍曰。不寒不燥。功在地黃。天冬。諸藥之上。

有赤白二種。夜則藤交。

一名交藤。有陰陽交合之象。赤雄入血分。白雌入氣分。

以大如拳五瓣者良。三百年者。大如栲栳。服之成地仙。

凡使赤白各半。泔浸竹刀刮皮切片。用黑豆與首烏拌勻。鋪柳甑入砂鍋。九蒸九晒。用茯苓爲使。忌諸血熱。魚萊。菴蓎。蒜。鐵器。唐時有何首烏者。祖名能嗣。父名延秀。能嗣五十八。尚無妻子。服此藥七日。而思人道。娶妻連生數子。延秀服之。壽百六十歲。首烏又服之。壽百三十歲。髮猶烏黑。李翱爲立何首烏傳。然流傳雖久。服者尚少。明嘉靖初。方士邵應節進七寶美荷丹。世宗服之。連生皇子。遂盛行于世。方用赤白首烏各一斤。黑豆拌九蒸。晒茯苓半斤。乳拌。當歸。枸杞。兔絲。各半斤。俱酒浸。牛膝半斤。酒浸。同首烏第七次蒸至第九次。破故紙四兩。黑脂麻炒。蜜九。並忌鐵器。昂按地黃。何首烏。皆君藥也。故六味九。以地黃爲君。七寶丹。以何首烏爲君。各在配合。未可同類而共施也。卽有加減當各依本方。隨病而施。損益。今人多以何首烏加入地

黃九中合兩方而爲一方。是一藥二
君安所適。從乎失製方之本義矣。